

N<sup>o</sup>. 203

Bibl. Bergm.

N<sup>o</sup> 357.

- Inhalt: 1) Müller. Marti. de politia sive republica Iudaorum  
Helmstedt 1548 (2. Aufl. Jan 1648)
- 2) Rieph. M. Conr. de polylete syadrii aegni tempore  
Christi in uiuente (resp. Otto Schlueter) Dan 1686.
- 3) Schismata. Is. Joh. extraordinaria exercitatio de  
V. T. schola christiana (resp. Joh. Leopoldus Hennepe)
- 4) Pet. Harten de linguis sacris (resp. Pet. Smid) Helmst. 1681.
- 5) Händel. Christophs. de eucommunicatione. Eis Preclarorum  
vnu (resp. Joh. Dan. Schieferdecker) Kriencels 1689.
- 6) Abichti. Joh. Christopher. de Lapidis Salomonis philosophico  
(resp. Phil. And. Ellerot) Dan 1667.
- 7) Andreae Sam. De passionibus messiae carum que  
exitu & succidente gloria (resp. Valent. Böge-  
hart) Marburg 1683.
- 8) Kragge Gal. de messie ad loco ejusque adventu  
(resp. Joach. Beuthen.) Dorp. 1692.
- 9) Lockervitz (Christ.) Deinceps positionum physiologi  
carum ex Genes. I. I. (resp. Lame. Fetsche)  
Gotha 1685.
- 10) do De multitudine postficiarum resurgen-  
tiarum propositio et Dan. XI. 2. (Joh. Georg  
Hoffmann resp.), Kriencels 1689.
- 11) Zix. Samuel Formale d. f. vix. d. l. Syphardus Trag  
aure abrisse Wnter in alten Naturbahrtaungen  
nugitatione p. Friedorff 1698.

- 12) Luccesen Joh. (resp. Francisco Covys) spicilegii philologici  
 et ad philologum hebreos mixtum.  
 Ultrajetum 1662.  
 (resp. Quir. van Ruy) do  
 Disputatio I. - Ultrajetum 1663.  
 (resp. Joh. Henricus) do  
 Disputatio II. - Ultrajetum 1663.  
 (resp. Leon. Torenvliet) do  
 Disputatio III. - Ultrajetum 1663.  
 (resp. Lucas Kosch ab Osel) do  
 Disputatio IV. - Ultrajetum 1663.  
 (resp. Joh. a Velle) philologi graeci  
 Disput. 4 de celebrioribus virgoribus N.T.  
 Ultrajetum 1662.  
 (resp. Adrian. a Veen) do  
 Disput. 5 de hebraicis N.T. Ultraj. 1662.  
 (resp. Joh. Doderburgh) Disputatio V ad  
 legem orationis Iudaeorum. Ultraj. 1664.  
 (resp. Mich. Genius) " " III do  
 " " Ultraj. 1664  
 (resp. Joh. Pollonius) " " II. do  
 " " Ultraj. 1664  
 (resp. Joh. de Smit) " " I. do  
 " " Ultraj. 1663
- 

DE  
**POLITIA SIVE  
REPVBBLICA HE-  
BRÆORVM  
EXERCITATIO**  
 QVAM  
 Divino adnuente Numine  
 Sub Praesidio  
 Clarissimi Viri  
**HERMANNI CONRINGII**  
 Philos. & Medicinæ Doctoris, hujusque Professoris publici, Præceptoris sui submissâ observantia perpetim colendi,  
 In Illustri Iulia Academiâ  
 die 8. Aprilis  
 Ad disputandum proponit  
**MARTINVS MULLERVS,**  
 Hamburg:



HELMESTADI,  
 Typis HENNINGI MULLERI Acad. Typ.

cōxliix.

1648, miff 1548



DE  
POLITIA SIVE

REPUBLICA HEBRAEORVM

EXERCITATIO.

QVADRIVM

Divine & Humanis Nominis  
Graecis & Latinis

Quadrivii Nominis

HEBRAMINI CONTRINGI

Habentur & Medicinae Dogmata, prout ad hoc

Festorum & populi, Piscatorum, &c. prout ad hoc

testimonia & cetera

in scriptis sive tractatis

et aliis

MARTINUS MULIERAS

Humanus

et alii

Israëlitica A

TRÜ Raamatukogu

331

31018269

DE

POLITIA SIVE REPUBLICA HEBRAEORVM  
EXERCITATIO.

THESIS I.



Vâ ratione quæcunq; societas humana, quæ civitatis nomine censeri potest, administratur atqne gubernetur, id considerare nemini non suave atque jucundum esse potest. Atqne id è magis, quò ἀνέρατη illud ἀγαθὸν, quod per commodam sui gubernationem societas humana obtinere solet, expenditur intentiūs. Cum enim omnia diffluxura videantur, si omni omnino societas gubernatione destituatur, sola hæc si commoda sit præstat, ut benè beatusque inter homines vivi queat. Quin si non per omnia satis recte se habeat, præstat tamen, ut societas, quæ coiverat, è vestigio non prouersus diffluat & dilabatur.

II. Cæterum quâ ratione gubernata olim fuerit Israëlitica gens, turbata illa hominum, quam Ægyptiacæ tyrranidi subduci jussérat ipse Deus, quamque adeò seorsim ab Ægyptijs degere, & peculiarem tempublicam constituerolebat, id, nisi me omnia fallunt, suavissimè considerabitur omnium. Israëlitica enim gens illa erat, apud quam, ut sacrâ phrasî utar, ignem & caminum habebat, atque adeò singulare modo habitabat ipse Deus; cui revera prestabat

A 2

stabat

stabat talia, qualia num quam nationum ulli. Hanc eandem voluit Deus non consuetis inter quasvis alias gentes modis gubernari, sed qui excellentiam quadam sua a ceteris haud parum discreparet omnibus. Nos ab insigni, quam diximus, suavitate allecti, in expendendâ Hebræorum Reipublicæ forma paululum nos exercebimus.

III. In naturam autem rerum publicarum introspicere volentibus τὸ κύρον sive summa potestas ante omnia consideranda fuerit, penes quem nimis illa ipsa sit & utrum penes unum, an verò penes paucos, an denique penes omnem populum sit. Hinc nimis tres diversissimæ & maximè ανδηγενδιάς simplicium rerum publicarum formæ emergunt. Aristoteles ubi considerare instituit politias sive respublicas, πόσαι τοι ἀρχαὶ, ηγετές εἰσιν, quot numero sint & quæ (facit id autem lib. III. Polit. c. 7.) ita pronunciat illico: ἀνάγνωσται κύρον τὸν ὅλης τῆς πόλεως. Quam divisionem & Cicero Secundo de divinatione, profitetur se à Platone Aristotelis præceptore ejusq; philosophia didicisse, respublicas teneri cum à principibus, rum à populo, aliquando à singulis. Tacitus quoque conformiter protulit hisce loquitur lib. IV. Annal. Cunctas nationes, inquit, & urbes populūs, aut primores, aut singuli regunt. Ita à numero τὸ κύρον sive summam potestatem obtinentium, omnis naturæ rerum publicarum fluit diversitas.

IV. Porro verò simplicibus politiarum formis, certa etiam nomina jam olim tributa esse, nemini non est cognitum. Si nimis unus rerum potiatur. Monarchiam appellavere hanc regiminis formam. Et porro τὴν τεγές τὸ κοινὸν διοικέποντα συμφέρον, quæ ad communem utilitatem respicit, βασιλεῖα regiam potestatem dixit Aristoteles. Quæ autem Monarchia τεγές τὸ συμφέρον τὸ μοναρχεῖον, ad commodum dominantis respicit, illam Aristoteles.

les τριγωνίδες appellavit. Si τὸ λίτινα sive summa potestas penes plures, eosque paucos sit, hæc regiminis forma, sive recta sit per omnia, sive rectæ τριγωνίδες & n̄ μαρτυρέν, plurimis Oligarchia olim est dicta. Aristoteles verò, ubi respublicas despescit, Oligarchiæ vocabulum paucorum potentiarum minus rectè se habenti, & ad publicam utilitatem non respicienti, tribuit: Sin paucorum potentia publicam salutem procuret, Aristocratiam appellat illam gubernationis formam. Si denique populus τὸ λιτεύντα, sive summam potestatem obtineat & quidem ad communem utilitatem, Aristoteles hanc regiminis formam communis omnium rerum publicarum nomine τολιτεῖαν appellat, hujus vero ταπέρεα dictam vult Democratiam. Complures tamen, qui Philosophum & antecesserunt & secuti fuerunt, Democratiæ vocabulum generale esse voluerunt, cuiuscunque τὸ πλήθες νοεῖ, à quibus neque ipsum Philosophum prorsus abire intelleximus.

V. Sed ad illam tandem potestatem quæ in gente Israëlitica obtinuit, versandam atque considerandam accingatur, eamque talem, qualem ubique terrarum in genitum gubernatione omni memoria observare fuit. Cum igitur gens Israëlitica post diutinas tergiversationes ab Ægyptiorum Rege dimissa tandem esset, atque ut in Palæstinam commigraret per deserta Arabiæ Petræ iter facere inciperet, peculiarem rempublicam illico constituit. Erat ibi justa hominum multitudo, quæ ex simplicibus enata fuerat societatibus. Hanc gubernari utique erat necesse, si civili etiam ratione commode inter se vivere deberet. Atqui si more inter alias gentes consueto gubernari deberet, fuerit τὸ κύρον seu summa potestas alicui vel aliquibus committenda, vel certè si penes universum po-

pulum esse debet, aliquibus tamen deleganda, qui exerceant.

VI. Hic autem singularem rationem, quæ inter alias gentes non obtrinebat, neque obtinuit unquam, est animadvertere. Omnis quidem potestas, quæ civitates moderatur, præcipue Deo T.O.M. ab illis, qui eam obtinent, accepta est ferenda, juxta illud gentium Doctoris: *s' γάγ  
ὴν εἰς οἰα, εὶ πὺ δοῦθε.* Neque dubium est quin ille qui hominum interest animis & mediis cogitationibus intervenit, quod prudentissimus Senequa agnoscit, quin inquam, ille summam potestatem, quæ magnos hominum gubernat ceterus, præcipue dirigat, atque moderetur. At vero inter summam potestatem, quæ gentem Israëliticam gubernavit & quæ ceteras gubernat gentes, illud est: quod hæc, licet occulte à Deo dirigatur, hominibus tamen plenè committitur: illam autem ipse Deus maximam partem sibi servavit. Fit adeò, ut illâ, quæ hominibus committitur, non raro abutantur ipsi homines. Neque enim vi eam dirigit aut si male ea utitur homo, sensibiliter semper retundit Deus, sed ut à præscripto legum divinarum exorbitet, non raro permittit. Quam autem circa Hebreos sibi servaverat Deus, illius usus non nisi sanctissimus esse potuit.

VII. Cum autem τὸ κύριον sive summa potestas in varijs sita sit, videmur operæ pretium facturi, si quid potissimum nos velimus per hanc summam potestatem intelligi, explicemus. Potestatem itaque summam quād maximè sitam esse dicimus in regendâ aut tuendâ republikâ. Hæc enim potissimum illa capita sunt, ad quæ revocari pleraque possunt, quæ circa reipublicæ summam in disquisitionem venire solent. Atque hoc pertinet illud Poëtarum principis Homeri quod de Agamemnon dixit: *ἀμφότευ βα-  
σιλεὺς τὸν αὐτόν, κερπέγε τὸν εἰχυντίς.* Quæ porro ad regendam

dam civitatem pertinet potestas, illa præcipue in legibus condendis & magistratu constituendo est sita: Quæ autem ad tuendam, in armis & gerendo bello. Tria adeò fuerint in quibus summa potestas, quantam nimurum cunque in politijs observare possumus, maximè est conspicua: leges condere, bellum indicere, magistratus constituere.

IIX. Porro horum omnium in republikâ Hebreorum penes ipsum Deum arbitrium fuit. Et id quidem in proclivi nunc est ostendere. Postatem condendi leges quibus gens Hebreæ etiam ad politicum bonum fruendum gubernaretur, reservasse sibi ipsum Deum atque etiam leges illi genti condidisse, tam manifestum est, ut qui id operosè probare vellet, lucem Soli, quod ajunt, forentur videri posset. Elucet autem id maximè ex plurimis Levitici, Numerorum & Deuteronomij capitibus, quæ quasi dives sunt pau, unde quicquid etiamnum in vita humana commodis legibus definitum est magnam partem depromptum videoas. Primum cum Deus ter O. M. ex Arابی monte Sinai pararet leges ferre, de se ipso præfatus est hunc in modum: *Ego sum Iehova Deus tuus qui eauxi te ex Aegypto è domo Servitius.* Tum illâ primo mundi tempore hominum mentibus insitam legem per fulgura ac tonitra clavis edidit atque repetit. Post hæc è vestigio istiusmodi tulit leges, qualium in politijs instituendis usus esse solet, qualibusque vigentibus commode & quietè inter homines vivi potest; abolitis ex adverso vel nullis existentibus, fieri non potest, quin injuria ἐπωχόται plurimi sint expositi. Hæc nimurum sunt illæ, quas ut distinguamus à naturalibus ac ceremonialibus, quarum recensione codicis Mosaicibenè magna pars consumitur, forenses dicere consuevimus. Atq; illarum singulas pressius considerare operæ quidem magnum fuerit pretium, nostri tamen in præsentia haud quam

quam est instituti. Facturus id aliquando est Vir Excellentissimus, sub cuius auspiciis haec nobis nata est confidentia, ut sevidens ista ad publicam extruderemus.

IX. Præterquam vero quod Deus universales tulit leges, per quas similibus delictis similis atque eadem poena fuit irrogata, usu etiam venit, ut quidam malefici ad occultas poenas à Deo raperentur, vel sciscitant Moysi singularis quedam poena indicaretur, quæ maleficio esset irroganda. Poenæ capitales quidem quæ apud Hebræos obtinebant, videntur ad quaternarium numerum commodè posse revocari. Sunt igitur illæ: Combustio sive vivicubrium, lapidatio, decollatio, & denique strangulatio. S. l. vi. de suffocatio sive suspendium. Quod autem quidam, quos Rep. Heb. inter etiam sunt doctissimi Viri Sigonius & Lipsius, crucifixionem etiam supplicium inter Hebræos usitatum fuisse existimant, næ in eo oppidò falluntur, id quod ostendit Exerc. XVI. n. LXXVII. nobis o. Isaacus Casaubonus. Cæterum quod diximus Deum ipsum quosdam ad occultas poenas rapuisse, apparet ex Levit. cap. X. Num. XI. XII. XIV. XVI. Sed & privilegia quædam ab ipso Deo quibusdam irrogata videmus, & Moysi in mandatis datum, ut ea homines exequerentur. Sic Num. XXV. mandat Deus, ut principes populi suspendantur qui nimis Moabitum fœminis fese miscuerant. Num. XV. memoratur quendam ligna Sabbatho legisse, cum autem lege minus clarè fuisse expressum, quomodo is ipse plectendus esset, mandasse Deum ut capitali supplicio afficeretur, hoc est lapidibus obrueretur. Ex Levit. XXIV. capite intelligimus, blasphemum quendam in custodiam datum fuisse, donec luculenta à Deo darentur responsa, quâ ipse poena esset plectendus: & cum illa data essent, lapidibus blasphemum illum itidem fuisse obrutum. Ita quæ legibus clarissimè definita non erant, de ijs expectabatur ipsius Dei definitio.

X. Eo-

X. Eodem modo, si in iis, quæ ad ritus pertinebant, quicquam suboriretur dubii, consulebatur itidem Deus, ejusq; expectabatur responsum, ut appareat ex cap. IX. Num. ubi de contaminatis & peregrinè profectis agitur, an simul unacum cæteris festum paschatos celebrare & agnum edere ipsis esset integrum. Cum filiæ Zelophchadis peterent, ut sibi etiam darentur prædia, Moyses ad Deum ipsarum causam defert, & mandata accipit, ut quæ ipsarum parenti Zelophchadi tribuenda fuissent, nunc ipsis filiabus tribuantur, uti haec leguntur Num. XXVII. Edita enim tum universalis sanctio est, ut quæ defuncto cuidam tribuenda essent prædia, illa tribuerentur illis, qui proximè ipsi sanguine essent juncti aut cognati. Cum etiam dubium suboriretur; an illæ ipsæ Zelophchadis filiæ jam ἀπέκληται factæ viris, qui non ejusdem cum ipsis essent tribus, nubere possent, nec ne Moyses exquisitæ Numinis voluntate ita respondet. Hoc est verbum quod præcipit Iehova de filiabus Zelophchadis, dicendo, cui bonum videbitur in oculis suis nubent: verum tamen infamilia tribus paterna suæ nubunto. Nam non avertetur possessio in filiis Israëlis à tribu in tribum: quum filii Israëlis adhærebunt quisq; possessione tribus paterna sua. Illæ autem relationes, quæ ad Deum siebant, in Hebræorum republicâ maximè erant necessariæ, cum nec legibus definita omnia essent quæ usu venire poterant, nec illis quicquam addere sive demere vel omnino in illis migrare ulli homini esset licitum. De vulgaribus rerum publicarum legibus Aristoteles ita loquitur: δὲ τὰς νόμους εἶνας κυρίες καμάντις ἐργῶς, τὰ δὲ οὐρανούς δέ, ἄντας εἰς, ἄντα πλείστας ὡς τὰ των εἶνας κυρίες: τῷ δὲ στοντι εἰς αδυνατῶν οἱ νόμοι λέγουν αὐτοὺς βασιλεῖς τὸ μὴ πάριον εἶνας καὶ θόλος δηλώσας τῷ πάντων. In Hebræorum republ. leges utique erant optimè omnium positæ & eadem etiam dominabantur. At incidere quedam poterant quæ ex illis defi-

B

niri

N. XXXVI.

Polit.

cap. XI.

hiri liquidō non possent. Circa talia igitū etiam potestātem ac arbitrium sibi servaverat & κύρος erat ὁ ἄρχων illius Republicæ ipse Deus; quomodo nimis in aliis rebus publicis istiusmodi potestatem habere debent οἱ ἄρχοντες. Cæterum legibus Ἰεροδότων quæ Hebræorum rem publicam moderari debebant, non licuisse ulli homini privato auctoritate aliquid addere sive demere, id ex fertis verbis dicitur Deut. IV. & XII. Non adderis ad verbum, quod vobis loquor, nec auferes ex eo, custodire mandata Domini Dei vestri, quæ ego præcipio vobis. Hoc igitur argumento maximè est juris majestatis, quod in legibus ferendis est positum, nihil quicquam penes hominem fuisse.

XI. Ut autem potestas leges ferendipenes Deum, sic pariter immunitatem & privilegia concedendi potestas fuit. Ita qui ex tribu Levi erant, omnes à malitiâ jubet esse immunes & sacro muneri addixit, Num. 1. Immunitatem à militia concessit etiam aliquibus aliis, utpote qui vineam noviter excolere cœpissent: qui uxori se despondissent ne cum demum eam duxissent: qui novas ædes exstruxissent nec dum ea incolere cœpissent: denique qui timidi essent & cæteris etiam metum viderentur incussuri, quomodo hæc leguntur Deut. XX.

XII. Porrò belligerendi arbitrium in gente Israëlitica Deum sibi reservasse & penes Deum fuisse, de eo dubitari non potest. Deus præterat & interererat præliis. Versabatur in gente Israëlitica, Num. XIV. Deus in medio vestris est, inquit Moyses, & pro vobis contra hostes pugnabit Deus. XX. Ipse Deus jubet numerari populum, ordines constitui & prælium inire Num. 1. Ita singulos tribuum præfectos jubet in acie in primo ordine locari Deut. XX. Iubet etiam prælium inire cum Midianitis & inter nacione delere eos, quia gentem Hebræorum ad idololatriam illexerunt. Num XV.

& XXX.

& XXXI. Quemadmodum autem semper feliciter prælia bantur, quoties Dei iustu id faciebant Israëlitæ, sic contra turpiter rem gerebant & magna clade afficiebantur, cum in jussu Dei pugnabant. Moyses in quarto historiæ suæ sacrae c. xiv. dehortatur gentem suam, ne inirent prælium: Dominus vobiscum non est, inquit, ne corruiatis.

XIII. Sed de magistratibus tandem ostendendum nobis est, quod & ipsorum instituendorum arbitrium penes ipsum Deum remanserit in Hebræoru Republica. Fiet id commode satis, dum de ipsis magistratibus, qui in republica Hebræorum fuerunt, differemus. Antea autem, quam hoc faciamus, consideranda proponimus illa ipsa S. Scripturæ verba, quibus Deus ter Optimus M. gentis Israëliticæ Rex disertè appellatur. Nimis hinc etiam oppidò fieri manifestum, τὸ κύρον sive summam potestatem, qualis in aliis rebus publicis penes homines esse solet, in Hebræorum republ. servasse sibi ipsum Deum. Cum igitur Hebræi postularent, ut sibi Rex daretur, quales finitimiæ ipsis gentes sibi præfecerant, ipse Deus ad Samuelem loquitur in hunc modum: Audi vocem populi in omnibus, que loquuntur tibi: non enim te abjecerunt, sed me, ne regnum super eos. Regnaverat igitur ipse Deus in Israëlitica gente, antequam propriè dictus Rex ex hominibus constitueretur, & eo modo postea non regnabat cum ex hominibus Hebræis Rex esset datus. Porrò vero idem clarissimè innuit Samuel, ubi suæ genti καρονγιας illam exprobrat, quod postulassent sibi Regem dari. Cum videre sis, inquit, Nahasum Ammonitarum Regem bello vos appetentem, dicebatis mibi: Non tu sed Rex nobis dominabitur, cum tamen ipse Iehova Vester Rex esset. Sed & illud huc pertinet, quod cum Gideon rem bene gessisset & quidam ex genti Israëlitica ipsum Regem eligere & regnum posteris ipsius itidem addicere vellent,

B 2

quod,

I. Reg. xix.  
7.

II. Reg. xxi.  
11.

quod, inquam, ipse Gideon in respondet: *Ego nequaquam*  
Iud. ix. 23. *dominabor vobis, sed Iehova vobis dominabitur.* Syracides  
denique expressit idem hisce verbis: *in unam quamq[ue] gentem*  
*praeponuisse rectorem* ή προελάθετον τὸν Ἰσραὴλ αὐτὸν μετέβατον & pars  
Dei Israēl facta est manifesta. Germanicus noster interpres  
sensem commodè expressit hunc in modum: über Israel  
ist er selbst Herr worden.

XIV. Nunc ad id accedemus, quod paulò antè insti-  
tueramus dicere. Quin igitur ex hominibus populo Israē-  
litico præfuerunt usque ad Saulem, illi δέχασίν sive magistratus  
strictè ita dicti sunt dicendi. Ex mente autem Philo-  
sophi δέχασίν sive magistratus maximè illi sunt appellandi,  
ιούς διπόδεστα βραχεύοντες τεῖναν, καὶ πεντακιόντης οὐδὲ  
μάλιστα τέτο, quibus datum est deliberare de quibusdam & judica-  
re sive statuere & mandare sive jubere & maximè hoc postremum.  
Gessit igitur istiusmodi magistratum in populo Israēlitico  
primus omnium Moyses, quem habito respectu ad Deum,  
qui summam potestatem sibi in populo Hebræo servaverat  
atque adeò illius Rex erat, haud absurdè proregem dixeris.  
Certè Deut. XXXIII. vers. 5. in benedictione Moysis haben-  
tur verba, cum quibus id non malè congruit. Apud vul-  
gatum interpretem illa ita sonant: *Erat Moyses apud rectissi-  
mum Rex.* Osiander autem ita corrigit: *Et fuit Moyses in  
recto Rex in colligendis capitibus populi in unum tribubus Israël.*  
Leonis Iudæ versio hæc est: *Et fuit aquabilis Rex.* Illam  
Vatablus immutat hōc modo: *Fuit autem in Israële (tanquam)*  
*Rex.* Quicquid sit de unā voce Hebræā, de qua sententia-  
rum animadvertere est divortium inter interpretes, Mo-  
yses utique Rex hic videtur dici. Verum id omnino intel-  
ligendum, quomodo Vatablus intelligit, quod nimirum  
Moyses fuerit tanquam Rex. Atque eodem modo com-  
modè noster interpres Germanicus: *Et verwaltet das Alme-  
dines Königes.* Verus utique Rex handfuit, neque unquam  
se pro Rege gessit, qui se afflictissimum mortalium queri-  
bundus profitetur, Num. XI. & XII.

XV. Cæterum gessisse Moysen magistratum, habu-  
isse ipsum potestatem peculiari tamen modo ab ipso Deo  
dependentem, deliberandi, statuendi, & mandandi ac  
de controversiis judicandi in gente Hebræorum, id ex hi-  
storiâ sacrâ quam ipse Moyles scripsit, abundè liquet.  
Cum per deserta Arabiae in Palæstinam tenderent Hebræi,  
aliquanto tempore solus Moyles causas dijudicabat omni-  
um, ut operas maturino tempore exorsas in multum ve-  
speræ produceret & vires suæ nimium quantum exauri-  
ret. Quod cum Iethro generum suum invisens animadver-  
teret, judicia aliter instituendi consilium ipsi dedit. Sacer-  
scriptor memorat illud hisce verbis: *Res quam tu facis, non* Exod.  
*est bona. Omnino marcesces & tu & populus iste, qui tecum est: Nam* xviii. 17.  
*gravius est negotium quam ut tu hoc solus conficias.* & seq.  
Audi igitur  
vocem meam consulam tibi, & erit Deus tecum. Tu gere curam po-  
puli coram Deo & refer causas ad Deum, & doce eos statuta & le-  
ges & viam eius ostende in qua ambulent, atq[ue] opus quod faciant.  
Porro ex omni populo supopifice viros fortes, iumentes Deum, vi-  
ros veraces, odientes avaritiam, & præfice illos itribunos censurio-  
nes quinquagenarios & decuriones. Illi judicent populum omni  
tempore: omnem vero rem gravem qua inciderit, ad te referent,  
ipse vero universas res parvas judicent, levabuntque te cum fue-  
rint tecum.

XVI. Non insuper id consilii habuit Moyles, atque  
ex eo operæ, quæ ipsi soli hactenus incubuerat, partem in  
alios derivavit. Audierat ipse & dijudicarat causas suæ gen-  
tis promiscuè minimas cum maximis. At ex consilio so-  
ceri, in litibus magis liquidi juris judicandi labore alijs  
delegavit, nulla, judiciorū parte sibi reservatâ, nisi quando-

Iex ipsa vel deficeret vel obscurior esset. Certè in consilio Iethronis hæc sunt: Tu gere curam populi coram Deo & refer causas ad Deum. Moyses ipse Deut. l. 18. scribit in hunc modum illos à se constitutos judices isthuc tempore sece allocutum: Quod si difficile vobis visum aliquid fuerit, referete ad me & ego audiam.

XVII. Cæterùm illi ipsi quos Moyses ita instituit iudices, ex quibus & quemadmodum fuerint instituti, non perinde liquet. Possit sanè cui evideri, fuisse illos jam antea capita tribuum, eoque in potestate positos, cum ita Moyses memoret se dixisse: Et sumpsi capita tribuum vestiarum viros sapientes & nobiles & constitui illos capita super vos, principes chiliadum, principes centuriarum, principes pentecostyav, principes decuriarum & præfectos tribuum vestiarum. Non licet tamen hoc ipsum ex illis verbis colligere: capita enim seu principes audiunt etiam quibus nulla in alios competit potestas, modo præ aliis vel virtute vel re quadam alia emineant: quales sanè illi fuerunt sapientia & nobilitate. Vulgatus interpres hosce principes vocat & quidem primi ordinis tribunos (commodius fortassis chiliarchos dixisset) secundi ordinis centuriones, tertii quinquagenarios, quarti denique decanos.

XVIII. Quales fuerint illæ chiliades, hecatontades, pentecostyes, atque decades, de eo itidem omnium non eadem est sententia. Legimus conjecturam Bonaventurae Cornelii Bertrami; quam etiam ipsius verbis hnc adscribemus: Ex Iosuæ cap. VII. liqueat populum Hebræum distibutum primum fuisse in tredecim tribus: tribus illas in Septuaginta gentes, quas Hebraei animas vocant sapientis quom Mischa pachorib quo vulgo exponit familias: Septuaginta illas gentes in familias, quas Hebrai ferè appellant Batim, id est, domos, domos illas in Gefarim, id est, viros seu capita. Capita vero seu viros hic appellamus

De Rep.  
Hebræ. VI.  
p. 60. edit.  
Conf.  
Empercur.

lamus qui patres familias sint, filiosq. & quam latini familiams appellant habent, Chiliarchos, Centuriones, Quinquagenarios & Decuriones, ut jam subindicavi, non per gentes quæ duntaxat ses ptiuginta erant, designatos puto: nec per eos qui propriè dicuntur gefarim, id est, viri seu capita, quum immenso fere numero futuræ essent, sed per batim, id est, domos seu familias.

XIX. Cæterùm fuerunt quidem singulæ tribus divisiæ in gentes: hæ porrò in domos: domus denique constiterunt ex pluribus patribus familias: quod autem gentes illæ exactè septuaginta fuerint, non appetat. Quot & quæ singularum tribuum gentes aut familiæ fuerint, cum Hebrei in desertis Arabiæ quadraginta annos fere exegissent, rectius intelligimus ex vigesimo sexto Num. capite: & verò secundum illam distributionem populus jam occupatâ Palestinâ semper fuit divisus. Quod item Bertramus existimat, chiliades illas, hecatontadas item, pentecostyas & decades esse domorum, quales nimirum in Iosuæ capite se primo vers. 17. intelliguntur, non patrum familias: id non omni procul est dubio. Verisimilius videtur esse illas chiliadas patrum familias, cum eundem loquendi modum de præfectis militum passim usurpatum videamus. Quemadmodum enim Moyses dicitur constituisse principes chiliadum & centuriarum qui causas judicarent, ita etiam præfeci militum dicuntur, alii quidem principes chiliadum, alij hecatontadum. Videantur modò postrema capitis XXXI Num. tememata. Chiliades nimirum hæ atque itidem hecatontades militares, cum fuerint singulorum virorum: fuisse igitur & alteras illas tales per est verosimile. An vero principes chiliadum, hecatontadum, pentecostyav, & decuriarum, qui causas dijudicarunt, subordinati, invicem fuerint, quomodo principes chiliadibus & hecatontadibus militum præfeci utiq; fuerunt, de eo amplius est cogitandum.

XX. His

**XX.** Hos minores magistratus & judices divus Moyses instituit, ipse à Jehovā immediate institutus. Vbi observandum: quod illi à Moysē instituti munus suum proprio consilio propriaque prudentiā tantum administraverint: Moyses verò quam maximè egerit tantum internuncium Dei. Neque verò quidquam legas alicujus in republicā, momenti à Moysē actum, nisi speciatim id jubente Deo. Eoq; Moyses mandata immediate accipiebat à Deo, etiam si quando bellagerenda cum hostibus essent; nec alia autoritate constituebantur Chiliarchi & tribuni militum. *Num. XXXI.* Moyses à Jehovā jubetur ulcisci Midianitas. Post Moyses mandata summi numinis perfert ad populum, jussō illo diligere atque instruere qui in militiam profiscantur. Ipse tamen delectos dicitur misisse & amandasse in militiam.

**XXI.** Supereft de illa Magistratum institutione agere de quā narrare putatur sacer scriptor Moyses libro quarto cap. XI. quæq; paulò ante facta est, quam eō penetrasset gens Iṣraēlitica unde exploratores in Palæstinam mittebantur. Incesserat tum gentē satietas mirabilis edulii, quo aliquam diu vicitarat, atq; ex adverso carnium appetitus. Aegrē etiam forte fecerat divino suo iugū, carnes ab ipso exposcendo, quod inde gentem abduxisset ubi carnium fuerat assatim. Queritur igitur Moyses de suā miseriā & mori præoptavit quam illam perferre amplius. Ipsa Moysis verba sunt illa: *Vnde mibi erit caro, quam dem toti populo* *Num. XI, 13.* *huic? nam sicut adversum me dicendo: Da nobis carnes, ut comedamus.* Non possum ego solus ferre onus totius populi hujus nam grave hoc est supra me. Deus autem Moysen diligere jubet septuaginta viros, ex primoribus & præfectis seu moderatoribus suę gentis, eosdemq; ad tabernaculi ostium duccere, additque quid tum fucturus ipse sit. Tum descendens, inquit,

inquit, loquar tecum ibi & seponam de spiritu qui est supra te ponamque in eis, si portabunt secum onus populi, neque portabis tu solus.

**XXII.** Magnus Grotius dicit hæc locutum esse Deum ad Moysen, cum questus hic ipse esset supremorum judiciorum ac relationum oneri (quod haec tenus sustinuerat) se non sufficere, & septuaginta illos spiritu novo (judiciali) instruxisse, jussisseque partem oneris ferre, supremorum nimirum judiciorum & relationum. Et constans doctorum sententia est, institutum hic à Deo concilium illud atque Synedrium esse, cuius vim Herodes Rex fregit, majoris momenti causis quæ in singulis civitatibus decidi non poterant, dijudicandis consecratum. Multa de tali Syncdrio, quod detortà paululum voce Hebræis jam olim Sanhedrin appellatum fuit, ex Rabbinorum adytis depromunt, quæis in illa se penetrare fuit datum.

**XXIII.** Ex Moysis Maimonidæ Validā manu & quidem Halacha Sanhedrin producit quædam Wilhelmus Schikardus in de lure Regio commentatio, quæ ibi legere est volenti. Non continemus nos, quin pauca illinc huc etiam transferamus: *Senatus major in Sanctuario erat & vocabatur Sanhedrin magnum.* Numerus illorum erat LXXXI sicue dicitur: congregamibi 70 viros de senibus Iṣraēl. His Moſe præfuerat, sic ut dicitur: stabunt ibi secum. Ecce in summa 71. Qui grandior sapientiā, cæteros omnes antecellebat, cū faciebant præsidem seu caput confessus. Is ipsius est, quem eruditū ubique terrarum appellant Nasi, hoc est Principem, isq; præst̄ loco Moysis magistri nostri. At qui inter septuaginta senatorēs annorum ratione natu maximus erat, eum collocabant à dextris illius vocabantq; ABHBDETHDIN h.e. patrem consistory. Ceteri 69 se debant ordine promotionis & dignitatis suæ: quo quis q; major in sapientiā, quam collega suus; eō locabatur proprius ad sinistram principis. Cir-

Annot. ad  
March. v.

Schikard.  
Cap. I. th.  
z. p. 8.

cum se debant autem dimidiata quasi aream semicirculariter ut eos ambo praesides, Princeps & Pater, omnes simul in conspectu haberent.

XXIV. Credendum scilicet censem virti eruditii in his Moysi Maimonida & Talmudistis, tanquam ex traditione haec talia habentibus. Ceterum quod pace illorum licet dicere, non profecto ijs sunt Talmudistæ; multò minus is est Maimonides scriptor recens, quibus tuto credas antiquissimas populi Hebræorum res, nullis suppetentibus sacris testimonij: cum constet mendacijs plurimis dudum omnem eos decoxiisse fidem. Itaque quod attinet quidem collegium LXX virorum à Moysi institutum, non potest de ejus usu, ratione & duratione quidquam certi, nisi ex sacris codicibus haberi. Hi verò, nisi admodum fallarab ijs Iudaicis Rabbinorum narrationibus plurimum dissentient.

XXV. Principio enim notandum est illo ipso Numerorum loco, ubi synedrium tale, quale diximus, institutum esse vulgo creditur, de summi judicij institutione vix leviter agi. Neque enim legitur, Moysen fuisse questum de onere aliquo summorum judiciorum, quod haec tenus ipsi incubuerat: sed simpliciter de onerosâ totius populi curâ. Verba conquerentis apud Deum sunt: *Cur impo-*  
*Num. x1. fuisti pondus universi populi hujus super me? Non possum solus sustinere omnem hunc populum, quia gravis est mihi. Respon-*  
*deus Deus jubet eligere LXX viros: ut suslenderent, inquiens,*  
*secum onus populi & non tu solus graveris.* Jam vero onus Moysis non tam erat situm in judicando, quam in omnibus populi negotijs audiendis & ad Deum deferendis, adeoq; in perpetuâ illa molestiâ agendi inter populum & Deum. Non pertinebant autem illa negotia ad lites & controversias, nisi tantum, si quando lex vel desiceret, vel esset ob-

scura,

scura, ceu jam supra est dictum. In hujus itaque oneris (quod nondum compositâ republicâ & in vagâ illâ populi vitâ non potuit non esse maximum) levamen, non autem propriè judiciorum ergò lecti sunt illi LXX. Hinc sane ijdem acceperunt partem Spiritus sancti, quo unus Moyses haec tenus fuerat prædictus, adeoque etiam ipsi facti sunt Prophetæ: quo spiritu simpliciter ad judicia non fuit opus. Quin imò videatur illud collegium Propheticum post obitum Moysis, republikâ jam statâ desisse: cum primis munere illo consulendi Deum in causis dubijs post translato in collegium Levitarum, aut extraordinarium à Deo constitutum pro tempore ludicem: qua de te agitur *Deuteronomij c. XVII.* Certè in toto Veteris Testamenti codice Propheetici confessus judicarij ex LXX. viris constante, aut verò collegij Propheetici tantum ex illo Prophetarum numero constante, nusquam fit mentio, sed Prophetarum incertus semper post fuit numerus.

XXVI. Lecti porro illi LXX fuerunt ex senioribus & præfectis sive moderatoribus populi, adeoque *habuerunt* jam *antea* populi curam, ut recte dicit Hugo Grotius. Imò *parvissimum* fortassis jam antea causas dijudicavit: perte*anno. In*  
*nētis er 120s, quos supra judicandis litibus chiliarchos, he-*  
*catontarchos, pentecontarchos & decadarchos constituti-*  
*tos fuisse dicebamus. Moysen enim Deus jussit Septuaginta*  
*seligere, quos norit populi esse seniores & Schoerrim, b. e. mode-*  
*ratores, præfectoris, judices.* At Schottim sunt illi ipsi chiliarchi, hecatontarchi &c., qui de tribunali pronunciabant. Liquet id ex Deutoronomio Moysis, ubi ita ipse loquitur.  
*Accipiens itaq; primores tribuum vestrarum, homines sapientes*  
*& cognitos, constitui istos primores vobis, chiliarchos & centurio-*  
*nes & præfectoris quinquagenos & decuriones & Schoerrim, b. e.*  
*moderatores per tribus vestras.* Moderatores sive præfectori hi  
*Deut. c. 1*  
*C 2*  
*non*

hi non sunt alij à cæteris. Hinc in Exodo, ubi autem res memoratur, vox illa prorsus omittitur.

Exod. c.  
xxviii.  
g. de jure  
Reg. p. 97.  
F. lib. iii.  
Miscel. c.  
19. l. Emp.  
Annot. in  
Athe-  
Bert. de  
Rep. Hebr.  
de C. D. I.  
xxix. c. 39.  
**XXVII.** Ex Rabbinorum adytis quidam de promunt, quod Schotrim sive moderatores illi fuerint lictores sive apparitores cum virgâ & flagello; utpote Wilhelmus Schickardus, Nicolaus Fullerus, Constantinus I. Empereur. At profectò ex lictoribus lectum esse Propheticum illud colle- gium cui persuadebitur? Septuaginta interpretibus illi Schotrim sæpe dicuntur γαματειουγωνεῖς, fottasse quod accusations ad judices introduxerint. Nam apud Athenienses εἰσιγωνεῖς τὸν γαΦῶν dicebantur qui certam κατηγορίων speciem, nemirum τὰς γαΦὰς ad judices introducebant. Quamvis vero neque hæc ratio nominis satis videatur conveniens, tamen fortassis est verosimilior illâ, quam S. Augustinus exposuit hisce verbis: *Moyses in populo Dei constituit, qui docendus literis præfessent, priusquam divinae legis ullam literas nosset. Hos appellat scriptura Grammato isagoges, qui Larinè dici possunt literarum inductores, eò quod eas inducant vel introducant in corda discenitum.*

**XXIX.** Licet vero LXX illi Prophetæ in partem curæ illius Propheticæ venerint cum Moysè, multa haec tenet illo fuerunt inferiores: eo que longè aliter per ipsos præponit Deus, quam per Moysen: quod ipsum Deus ipse significat Numerorum x1. 6. 7. 8. Multum itaque eximia mansit præ omnibus Moysis autoritas. Hinc solus legitur postea jussu Ichovæ exploratores in Palæstinam misisse: Solus legatos ad Edomitarum Regem amandasse: Solus jussus etiam est, ut Midianitas uiceretur. Quam maximè solus ille etiam postea mandata Ichovæ genti suæ exposuit.

**XXIX.** Porro vero cum divinus Moyses per zenuatio nūis didicisset, se diem suum jamjam obitum & quidem ante, quam gens cuius haec tenus summus dux fuerat, in Palæ-

stinam

Num. c.  
xxviii. 18.  
**la**stinam penetrasset; precatur ipse Deum, ut suæ genti præficeret alterum, qui illam sidi pastoris in modum duceret ac gubernaret. Annuit Deus atque ita respondet: *Sume secum Iosuam filium Nunis, virum in quo est spiritus meus, ut imponas manum tuam illi, sistensq; illum coram Elhaazar sacerdote & coram toto cœtu, mandatus instruas illum ante oculos eorum & impetrari ei de gloriâ tuâ, ut auscultet ei totus cœtus filiorum Israëlis. Cum igitur deceperet Moyses, surrogatus in ipsis locum est ille ipse Iosua, vir consimili prorsus sanctimoniam, integritatem & innocentiam conspicuus, & ad secretiora cum Deo colloquia itidem admissus. Verba quibus ipsum post Moysis obitum alloquitur Deus, initio libri, quisi ipsius nomen præfert, est legere. Ibidem verò & illud, professam esse gentem Hebræam se Iosuæ dicto velle audi- entem esse, quemadmodum ipsi Moysi fuerat. Et post illa Iosuæ auspiciis gerebantur omoja.*

Deut. xvi.  
8.  
**XXX.** Sed opportunum nunc est docere, quomodo Magistratus institui debuerint in Palæstinâ. Est verò idexpositum à Moysè, antequam desungeretur in conspectu quasi ipsiusmet Palestinæ. *Judices, inquit, & moderatores constituto tibi in singulis portis suis, quas Ichova Deus tuus dat tibi per tribus tuas, qui judicent populum iudicio justo. Intelligere verò hinc est, cum in singulis urbibus fuisse judices institutos, tum populo datum jus eos sibi eligendi ex suo numero, tantum habitâ indubie ratione prudentiae & justitiae.*

Deut. xvii.  
8,9,10,11,12  
**XXXI.** Cæterum pergit Moyses paucis interiectis: si occulta erit res sibi in iudicio ferendo, inter eadem & eadem, inter litem & litem aut inter plagam & plagam è rebus controversis intraportas tuas, tunc surgens ascendens ad locum, quem elegerit Ichova a Deo tuus. Et adibis sacerdotes Leviticos vel summum iudicem, qui erit diebus illis, ut consulas eos & judicent tibi statim illius iudicij. Deinde facies ex præstito illius sententia,

C 3

quam

quam indicaverint tibi, prefectus a loco illo quem eligeris Iehova,  
& observabis, ut facias secundum omnia quæ docuerint te. Ex pre-  
stitorum legis, quam docuerint te, & secundum judicium illud quod  
dixerint tibi, facito: ne recediro ab ea sententiâ quam indicave-  
rint tibi, dextrorsum aut sinistrorsum. Vir autem ille qui com-  
miserit superbè, ut non auscultet sacerdoti constanter ministranti,  
ibi Iehovæ Deo tuo, aut summo judici; utique morietur vir ille &  
volles malum illud de Israële. Hactenus Moyses. Ceterum de  
sensu verborum non una est omnium sententia; sive judi-  
cium ipsum spectes, sive eos quibus judicium committitur.  
Sunt enim qui existimant judicium illud fuisse potestatem  
a iudeo*uoyoy* administrandi totam rem publicam, conjunctam  
cum infallibili ratione omnes de sacris & religione enatas  
controversias decidendi. Porro judicium hoc alij uni sum-  
mo Pontifici, alij & huic & septuaginta illis quorum ex Nu-  
meris supra meminimus, committi arbitrantur, quasi hisce  
verbis denudò sit constitutum Synedrium magnum. Non de-  
sunt, qui duo hic judicia censem̄ instituta, alterum forense,  
alterum ecclesiasticum. Quamvis verò hæ sententiae per-  
funt celebtes & ob auctoritatem doctorum invenerint ap-  
plausum magnum: fortassis tamen non fuerit difficile com-  
monstrare, quantum aberrent à vero.

XXXII. Primo digitur ad certa tantum & quidem pauca,  
nimis tantum ad controversias dubij juris in nonnullis  
negotij*s* judicium hoc ex instituto divino pertinuisse signi-  
ficant ipsa Dei verba commate octavo. Quæ optimè expo-  
nuntur in notis Vatabli: Si causa aliqua fuerit ambigua &  
difficilior: quam ut de illâ pronunciare possis: cujusmodi inter:  
sanguinem & sanguinem. b.e. inter innocentem & crimen capitali  
damnandum, qui alia rationibus tibi videretur esse innocens; inter  
causam & causam b.e. inter litem pecuniariam & quæ sit minoris  
momenti vel inter litem actoris & litem defensoris: & inter plagā

& pla-

& plagam, b.e. inter livorem & vulnus. Non igitur hoc loco  
à Deo cuiquam committitur cura totius Reip. sed tantum  
non nihil ad partem pertinens judicariam, quæ inter pre-  
cipuas administrande Reip. insima est. Non nihil, inquam,  
Nempe demum judicium inter portas variantibus verbis.  
Tum scilicet licuit consulere sacerdotes: fere quemadmo-  
dum ex Iethronis consilio Moyses suscepit judicanda tan-  
tum ea, quæ difficiliora erant & ambigui juris.

XXXII. Secundò, quamvis huic judicio voluerit Deus ab  
omnibus obtemperari, non tamē hinc debet colligi, fallere  
vel falli illud non potuisse. Eodem enim modo: In ore duo-  
rum aut trium testium voluit Deus, ut omne constet verbum: &  
tamen indubie etiam duo aut tres potuerunt in falsum testi-  
monium consentire: imo ipse sacer codex hujus non unum  
rei gestæ exemplum suggerit. Tantū igitur voluit Deus po-  
pulo nullam dare potestatem detrectandi sententiam illius  
judicij. Digna lectu sunt, quæ ad hunc locum commenta-  
tus est Dionysius Carthusianus: Dicit glossa Hebraica, ne re-  
fere Lyra, etiam si dixerint tibi, quod dextratura sit sinistra vel è  
converso, talis sententia est tenenda. Quod reprobat Lyra; quia  
sententia nullius hominis, cuiuscunque sit auctoritas, si contine-  
at manifestè falsitatem sive errorem, servanda est. Quæ repro-  
batio vera est, si glossa illa Hebraica dicere velit, quod talis sen-  
tentia sit tenenda ita, ut ei mente consentiat, tanquam vera &  
justa si autem vult dicere, quod est tenenda ita: quod pœna au-  
damnum sententia debeat patienter tolerari ab innocentie, quæ  
non potest ad aliorem judicem in hoc mundo habere recursum, po-  
rest salvari. Nam & Gregorius ait, quod sive justè sive injustè li-  
geret Pastor, sententia ejus tenenda est gregi. Fateor tamen judi-  
cū illud infallibile fuisse ante Babylonicā captivitatem si ex  
Dei mandato omnia institueret. Etenim in dubijs omnibus  
tum semper à sacerdote consuli & potuit & debuit oraculū  
illud

Deut. xxvii.  
6. & xix. 15.  
Matt. xix.  
1. Cor. xiii.

16.  
2.

Iud Vrim, appellatum propterē Rationale judicij. Certè ex eo, quod v. 12. haberur, non licet colligere sacerdotis infallibilitatem, nisi etiam dicendum sit, Iudicem fuisse infallibilem. Æquè enim illi de Iudice, atque de Sacerdote sermo est, si meliores interpretationes Hebrei textus consumam̄us. Qualis est præter illam Tremellij & lunij, quā supra sumus usi, ipsius Xantis Panguini, & Græca vetus, & Germanica B. Lutheri.

XXXIV. Tertiō non unisummo sacerdoti commissum tale esse judicium manifestè utique liquet ex verbis differtissimis commatis noni, decimi & undecimi: *Venies ad sacerdotes Levitici generis, & ad judicem, qui fuerit illo tempore &c.* In hisce verbis non de unā personā sed multis agi, qui iudicare debeant sole profecto clarius est. Porro illi, qui in sacris ludices xari & zoxn dicuntur, cujusmodi fuere, post Moysen Iosua, Othoniel, Debora, Thola Iair, Iephtha, Samson, Samuel, alij, etiam ipsi iudicarunt totius Israëli. tici populi difficillima quæq; & tamen tantum abest, ut fuerint sacerdotes summi, ut ne quidem Levitica fuerint tribu oriundi. Nusquā præterea legas in monumentis sacris, summum sacerdotem solum vel consultum fuisse de jure vel de jure pronunciasse: nisi quod id fecisse Eli sit verosimile: qui tamen id judicis potius potestate, quā simul fungebatur, fecit, quam sacerdotis. Penes sacerdotem summum postremō non fuisse summum judicium sed penes Synedrium magnum, constans est Iudaicorum Magistrorum sententia, Schikardus scribit: *summus sacerdos non tantum ob varias pollutiones de facili contingentes dicti fustigationis ritu cadi sed & prorsus occidi potuit, si mortem ex lege mereretur.* Subjungit sententiam Thalmudicam ex bala, kel. hammikd. ita versam: *Pontifex judicat & vicissim judicatur, atq; testantur contra eum: sed capitaliter eum nemo judicat, nisi Synearium magnum.*

XXXV.

De iur.  
Reg. c. II. p.  
60.

XXXV. Aliud quoq; hoc judicium esse, quā illud LXX. Moysi adjunctum, non uno est arguento colligere. Etenim illud jam tum dudum erat institutum: hoc autem demum instituendum occupatā jam Palæstinā fuisse, liquet ex illis: *ascende ad locum, quem elegeris Dominus Deus tuus.* Item: *Facient quodcumq; dixerint, qui præsunt loco, quem elegeris Dominus.* Illud porro fuit constitutum ex omnium tribuum hominibus: hoc ex solis Levitis coiisse indicant illa: *Venies ad sacerdotes Levitici generis.* Illius munus totum fuit propheticum: hoc circa lites quasdam occuparitatum debuit, ut paulo antè ostensum. Illius præses indubie fuit Moyses: hujus autem summus sacerdos.

XXXVI. Quamvis porrò hoc judicium sacerdotale Synedrio originem & occasionem fortè dederit, reverā tamē ab institutis Synedrii plurimū abfuit. Hoc enim Levitici generis senatores tantū admisit: Synedrium autem præter sacerdotes habuit assessores ex aliis quoque tribus electos. Hoc ad controversiarum paucarum judicium tantū fuit adstrictum: synedrii verò ampla primō fuit potestas. Schikardi verba sunt: *Senatus ille Magnus cognoscet c. i. th. 26 artinētibus, v.g. de controversiis legalibus, anno intercalari, pseu- do prophetis, apostatis, excommunicandis; de Rege, bello, fæderibus, legatis, vectigalibus, publicis, adificiis, Magistratibus inferioribus &c.* Præses illius Levitici judicij indubie semper fuit ipse met summus sacerdos: at Synedrii princeps non potuit non interdum esse alterius tribus, si verum est quod Moyses Maimonides scribit apud eundem Schickardum: *Qui grandior sapientia ceteros omnes antecellebat, eum faciebant Præsidem seu caput confessus. Is ipsus est, quem eruditissimis terrarum appellante Nasī b.e. principem, isque præst̄ loco Moysis Magistri nostri.* Imo secundum Abravanelē temporibus Hasmonaeorum prin- ceps

D

cepit domus Iehuda semper fuit caput senatus Israëlitici non enim pars  
Sanhedrin, ut scribit Menasseh ben Israël in Consiliatore quest.  
LXV. Genes. p. 92.

XXXVII. Verosimilium videtur, Synedrium consti-  
tutum esse post captivitatem Babyloniam & quidem ma-  
xime Hasmoniorum tempore ad effigiem senatus à Jo-  
saphato Rege constituti, cuius fit mentio in Paralipome-  
nis. Etenim illud ex parte fuit idem cum illo sacerdotali  
per Moysen instituto, ex parte cum synedrio. Verba qui-  
bus narratur illius iudicij prima institutio, observata sunt  
digna: *In ierusalem quoque constituit Iosephat Levitas & sacer-*  
et. Pat. xix.  
*dores & principes familiarum ex Israël, ut iudicium & causam*  
*Domini judicarent habitatoribus ejus, praecepitque eis dicens: sic*  
*agatis in timore Domini fideliter, & corde perfecto. Omnem*  
*causam, qua venerit ad vos fratribus vestrorum, qui habitabant in*  
*urbibus suis inter cognationem & cognitionem, ubiunque quasio*  
*est de lege, de mandato, de ceremoniis, de justificationibus: Ostendite*  
*eis, ut non peccent in Dominum, & ne veniat ira super vos,*  
*& super fratres vestros: sic ergo agentes non peccabitis. Omnino*  
*autem videntur & sequentia illa ad hoc iudicium pertinere:*  
*Ei ecce Amerias sacerdos & pontifex vester, in his, quæ ad Deum*  
*pertinent, præsidebit: porro Zabadias filius Ismaël, qui est dux in*  
*domo Iuda super ea opera erit, quæ ad Regis officium pertinent: ha-*  
*bebitisq; magistros Levitas coram vobis.*

XXXIX. Hunc Josaphati senatum habuisse cum utroq;  
illo altero confessu aliquid commune, aliquid etiā diversū  
facile est discere ex verbis adductis. Etenim quod admiscui  
in confessum non sacerdotes tantum sed etiam principes  
familiarum Israëlis: item quod de sacris controversiis &  
dubiis majoris momenti, nec non de negotiis regiis illi fu-  
erit judicare, cum Synedrii institutis convenit: non autem  
cum Levitico illo per Moysen instituto. Videntur quoque  
huic

huic iudicio duo quasi præsides præfuisse: alter in causis sa-  
cris, isque summus sacerdos, alter in negotiis regiis, isque  
dux domus Judæ. Quod itidem cum Synedrio ex parte  
convenit, cui non mihius duo præsiderunt, unus Nasi; alter  
*Abh beth din* appellatus, ceu liquet ex verbis Maimonidæ  
*Hal. Sanhedrin* à Schickardo laudatis. Longè major tamen  
fuit potestes Synedrii, quam etiam hujus senatus, utpote  
cujus limites longè alios posuerit Josaphat Rex, quantum  
ex ejus verbis colligere est. Duorum quoque Præsidum  
Synedrii alia fuit ratio, quam duorum quos Josaphat suo  
illi iudicio præfecit. Quemadmodum Nasi fuerit constitu-  
tus in Synedrio, audivimus modò narrantem Maimoni-  
den. De altero pergit idem: *Ar qui in eis sepsuaginta se-*  
*natores annorum ratione natu maximus erat, eum collocabant à*  
*dextris illius (Nasi scil.) vocabantq; Parrem confessori. Verū*  
de his obiter.

XXXIX. Quinto deinceps etiam id alienum esse à verita-  
te, quasi publicis generis sint iudicia constituta, alterum Ec-  
clesiasticum, alterum forense, apparet ex eo, quod causæ  
iudicio illi submittendæ non nisi unius sint generis. Neq;  
verò in sacris literis illis ulla diversi generis litium sit men-  
tio. Ut autem nonnunquam circa idem negotium aliud  
Ecclesiastici, aliud civilis sit fori: in paucis tamen hoc haber  
locum, nec propter illa pauca opus fuit duo diversa iudicia  
constituere. Decepit viros optimos illud, quod & sacer-  
dothes hic & judex sigillatim nominentur. Sed mens legis  
facile patet, si iudicis nomine intelligamus Suffetem ali-  
quem, qualis fuit Josua & quidam alii libro iudicium me-  
morati. Intelligimus nimirum ex illo libro hujusmodi  
Suffetes (utimur voce Carthagini olim receptâ) non sem-  
per in republicâ habuisse locum; eoq; non fuisse magistra-  
tus ordinarios sed tantum extra ordinem efflagitante ne-  
cessita.

cessitate populi à Deo ipsa constitutos. Ut igitur apud Romanos Dictatori omnes ordinarii magistratus cesserunt: ita indubie Judici tali cessere cum aliis Hebræorum magistratus, tum quoque sacerdotales Judices. Adeoque si quando à Deo fuit aliquis Judex constitutus, perinde illum licuit adire in controversis negotiis, atque sacerdotale collegium: nec minus ipsius sententia fuit standum. Hanc esse sententiam legis patet ex usu quem compertum habemus ex libro isthuc Judicium. Illos enim finisse populi controversias sive uno loco consederint, sive regionem circuierint, nemini non est manifestum. Verum de his satis.

XL. Nunc porro super hactenus d' ta reflectamus paullulum mentē & quæ forma regiminis in gente Hebræa sub Mose, Josua & Judicibus obtinuerit, consideremus. Pleisque existimant formam reipubl. Hebræorum fuisse Aristocraticam ante Reges, Petrus nimirum Galatinus, Carolus Sigonius, Angelus Ganinius, Joachimus Stephani, Calvinus, Martyr, Danaeus, quos Henningus Arnisæus Relect. Pol. lib. 11. c. 4. Sect. 5. allegat. Caroli Sigonii quædam verba huc lubet apponere. Ceterum, inquit, cum de formâ reipubl. queratur, nihil aliud queritur, nisi penes quem principatum summa rerum fuerit constituta. Hec vero primum penes Optimates posita fuit, deinde penes Reges, quorum principatum illum Aristocratiā, hoc Regnum Græci vocarunt. Aristocratiā fuisse sub Moyse, Iosuā, Senioribus & Iudicibus, Regnum sub regibus.

XLI. Quo tempore Sigonius dicit regnum fuisse rempubl. Hebræorum, de eo nos nihil dubitamus. Quod autem de Aristocratiā dicit, id dubium videtur haud parum esse. Primum nulla ex formis Rerum publ. quas Aristoteles nobis descripsit, Reipubl. Hebræorum, quæ ante Regis fuit, satis convenire deprehenditur. Omnes illæ formæ tales sunt, ut τὸ κύρος sive summa potestas rerum agendarum

darum fuerit penes homines. At in Hebræorum republ. τὸ κύρος diu mansit penes ipsum Deum. Apparet id ipsum ex Majestatis juribus, quæ majora vocant, legum sanctione, Magistratum institutione, bellorum inductione, quæ Deus sibi servarat.

XLIII. Si nunc igitur id attendere velis, quod unus summam potestatem in Republ. Hebræorum ab initio obtinuit, Monarchiam dicere illam Rempubl. possis. At vero si id potius velis attendere, quod is unus fuit ipse Deus, non homo, abstinendum ab illo vocabulo fuerit: fingenundum autem aliud, quod inusitatæ huic formæ tribuas. Et finxit jam olim Josephus, quod haud male illi tribuas, vocabulum. Apponam verba quædam, quibus vulgares formas & nostram de quæ nunc agimus, inusitatam, complexxus est cordatus ille scriptor. Οἱ μὲν μοναρχίαι, inquit, l. ii. contra ἔξοσας τῶν πολιτευμάτων. Οδὲ ἡμέπερ οὐ νομοθέτης εἰς μὴ τόπων γόνην αἴπιδεν, οὐ δὲ της ἐπι τις βιαστήμερος τὸν λόγον θεοκρατίαν απεῖπεν, θεῷ μάλλον μόνῳ τῇ δέχιο καὶ τῷ κράτος αναθεῖς καὶ πίσις εἰς ἑκανον ἀπαντας αὐθορᾶν, ὡς αἴτου μὴ αἴπαντον ἄντα τὸν αὐταράν, κοινῆς πάσιν αὐθρώποις παρέχοντα καὶ idia. Horum verbis: Alii siquidem monarchis (alii vero paucis) alii vero populo potestatem reipubl. commisere. Noster vero legislator nihil horum intendens, veluti si quis hoc dicendo mensuram transcendat verbi, divinam rempublicam declaravit: Deo principaliter conversationem nostram arg. potestarem excellenter assignans & satisfaciens eum cunctos inspicere, tanquam causam bonorum omnium universis hominibus existentem. Appellat igitur Josephus rempubl. Hebræorum novo vocabulo θεοκρατίαν. Hoc illud est, quo inusitatam formam reipublicæ, in quæ Deus summam potestatē obtinet, exprimere haud incommodè possis

Elin. in  
præfat.

J. Ry. Antiq.  
cap. 7.

possit. Et apparet Josephum hic loqui voluisse ~~disceptare~~, quomodo in libris contra Appionem omnino solet. Neque aliter decebat decernentem cum tali, qui doctrinæ eruditio-  
nisque nomine tam erat celebris, ut *Cymbalum mundi* vul-  
go audiret.

XLIII. Non æquè accuratè videtur loqui voluisse Josephus, cum Ἰερός virum Moysen introducit ad gentem suam verba facientem, hunc in modum: Αἴσιον εγένηται υδρὸν περισσόν καὶ ὁ πατέρας ἀντίτιτλος βίος τῷ μη λάβη πόθος ὑμᾶς ἀλλὰ πολιτείας, αἱλλὰ πάρτιτος τέργαστος, τούς νόμους ἔχοντες δεσπότας, πατέρας ἔκαστη πεφίσιος δέκτει γὰρ ὁ θεὸς ἡγεμών ἐναντίον. Optimum quidem est optimatum régimen & in sic administratâ républica vivere, nec est cur aliam ejus speciem concupiscatis: sed præstat, ut hâc contentii in legum & vestrum ipsorum potestate sitis. Satis enim est Deum habere præsidem. Effinxit hunc sermonem ex decimo septimo Deuteronomii capite, ubi postquam de magistratibus singularum civitatum esset dictum, agitur etiam de quibusnam, qui in certâ quadam civitate ab ipso Dei post occupationem Palæstinæ demonstrandâ constituendi sint, ad quos adeò causæ difficiliores quæ à magistratibus singularem civitatum decidi haud queant, tanquam ad summum tribunal sint referendæ. Propter concilium illud Rempublicam vocat Ἀριστοκρατίαν Josephus. Vnde & hujus autoritatem pro se allegant alii. Verum enim vero quæ Josephi mens fuerit luculenter appareat ex verbis paulo antè citatis, quibus rempubl. Hebræorum ab omnibus aliis separavit & peculiari nomine insignivit: Vbi verò Aristocratiām vocat, ibi ipsum minus accuratè voluisse loqui censendum utique est.

Cap. 49

XLIV. Mirari verò subit, dum animadvertisus  
Josephum hisce proximis vix consentientia scripsisse alibi.  
In undecimo nimilum ἔχασος; libro, quasi aliud agens,

dc

de forma Hebræorum reipubl. hæc posuit: καὶ οἱ μὲν ἐπέβλεψαν τὸν δαψιλόμηνος ταῖς θυσίαις ἢ τῇ τοῦ Ιησοῦ Φιλοποιίᾳ πατέρων στοὺς ἐν τοῖς ιεροσολύμοις, πολιτείᾳ Ιερουσαλήμ μετ' ὄλιγον ξίσιον οὐδὲ δέχεταις τοφεσήκεσσαν τὴν περιγμάτων, ἀρχιερέων τὸς αὐτομαντικῶν σονέων βασιλέων ἐκγόνες. τοφέ μὲν γὰρ τῆς αἰχμαλωσίας ἡ τῆς αναβάσεως ἐβασιλέυοντο δύο συλλαπτέων δέξαμέντοι καὶ δαβίδη, οὗτοὶ ἔησαν Φλαβίοι, μῆνας 5' ἡμέρας 1. τοφέ δὲ τῶν βασιλέων τὰ τῶν ἀρχούτων αὐτεῖς διείπον, δια τοφεσηγορευόμενοι κατατάντες καὶ μόναρχοι καὶ τὰ τῶν πλιτύμονα μέρη τὸν τρέζον ἐποπταλέοντες Φαρισαῖοι μὲν μαսτῆν διποθενί τε καὶ ἵπτεν τὸν σεατηγόν. Agit primum Josephus de forma reipubl. Hebræorum quæ fuit, postquam ex Babyloniam reducibus, ut suis legibus rursum gubernarentur, permisum fuerat. Ea occasione insimul brevi exponit, quis reipublicæ ante Babyloniam captivitatem status fuerit, dicitque inter alia, ante Reges Hebræam gentem gubernasse ἀρχοντας τὰς τοφεσηγορευόμενας κατατάντες καὶ μόναρχος. Principes, qui appellari fuerint Indices et monarchæ.

XLV. Credamus h̄ic itidem Josephum non voluisse  
æquè accurate loqui, ac in libris contra Appionem fecit.  
Conferamus autem h̄ac non æquè accurate dicta, cum iis  
quæ paulo antè ex quarto Ἀρχαιολογίας produximus, ubi iti-  
dē minus accurate ipsum loqui voluisse dicebamus. Intro-  
duxit igitur Moysen Aristocratiam agnoscētē in sua gen-  
te & illam ipsam commodissimam deprædicantem. Istius-  
modi etiam Aristocratiam, qualis tempore Moysis esse pote-  
rat. Moysen ex mente Josephi extendere usque ad proprié-  
tates Reges, inspicienti illa quæ ex dicto lib. IV. paulo antè  
producta sequuntur, videri non immerito possit. Imò absq;  
hoc esset idem aliunde colligeremus. Quæ enim Aristo-  
cratia cum potestate Moysis & Josuæ consistere poterat,  
eandem nihil prohibuit cum potestate judicum itidem  
consistere. Nam Judicum potestas nihilo major & augu-  
stior

stior illâ, quam Moyses & Josua habuerant. Intellexit autem eodem modo doctissimus Sigonius. Probaturus enim Iudicibus rerum potentibus Aristocratiam fuisse adducit verba Josephi, quibus is Moysen facit loquentem.

XLVI. Sed intelleximus Josephum, quod anteā dixit judices fuisse μονάρχες, asseverasse iterum lib. XX. Αρχαιολ. c. 8. ἐγένετο δὲ αὐτῷ, inquit, δειπνοφατὴ μὲν ἡ πεώθη πολιτεία μὲν τὸν δὲ μοναρχία, βασιλέων δὲ τείτη. Genius vertit: Sub his (xiii prioribus Pontificibus) primò penes optimates fuit administratio Reipublicæ, post ad Monarchas, postremò ad Reges transit. Apparet hinc clarissime, Josephum tempore Judicūm non agnoscere aristocratiam, quod etiam ex verbis proximè ante hæc adductis apparet. Etsi verba: Μωυσῆς ἵντε, quæ interproximè præcedentia sunt, bene consideres, commodè illa conciliabis cum his quæ postremò produximus. Nimirum sub Moysi & Josua Josephus existimat Aristocratiam obtinuisse. Dubium igitur supertuerit de loco ex quarto Antiquitatūm anteā adducto. Imò secundum postrema duo fuerit intelligendus. Quam rectè autem sese ille habeat, nunc non amplius disquiremus, sed illa Josephi tandem faciemus missa. Id tamen dicendum est, luculentè nunc apparere, quam parum doctissimus Sigonius efficiat, ubi Josephi verba ex iv antiquitatūm producit, ut probet tempore Judicūm Aristocratiam obtinuisse.

XLVII. Si accuratè loqui velimus, Aristocratis dicetur respublica, si omnis summa potestas, sive omnia Majestatis jura, quantacunq; penes homines esse possunt, sint penes paucos quosdam. Quare cum præcipua Majestatis iura in republicā Hebræorum non fuerint penes plures, qui quidem non integrā gentem constituerint, sed pauci ex illâ fuerint, illam ipsam rem publicam, si accuratè loqui volueris,

uetis Aristocratiam non fuisse concedendum utique est.

XLVIII. Diximus jam antea nullam ex vulgatis formis reipublicæ Hebræorum quæ plane ἔξαιρεται est, per omnia esse congruam. Quare nec monarchiam fuisse quæles vulgo sunt, etiam ipsi nos fatemur. Verum aliorum, idem qui negant, non eadem mens est. Negant enim Hebræorum rem publ. fuisse monarchiam ante Reges, quod quicquid summæ potestatis in illâ gente penes homines fuit, id fuerit penes paucos. Ceterum si hoc volunt; nimis penes LXX vitorum consilium, de facili eò possunt adigi, ut eodem sensu monarchiam aliquando fuisse ante Reges primum concedant. Nimirum quicquid summæ potestatis penes homines in gente Hebræorum fuit, id fuit aliquando sine omni controversiâ penes unum Moysen. In hujus annalium secundo istuc memorie proditum est, omnes causas adhunc solum initio fuisse relatas; post verò ex consilio Iethronis constitutos fuisse, quos vulgatus interpres vocat tribunos, centuriones, quinquagenarios & decanos, qui levioris momenti causas dijudicarint; graviores autem & difficiliores Moysen sibi reservasse. Tulit igitur unus Ιωρόποος Moyses primò quidem omnes causas minimas cum maximis dijudicandi, post verò summorum duntaxat judiciorum ac relationum laborem. Fecitque id per biennium fermè sine omni controversiâ. Fuit igitur tum penes unum Moysen summa potestas, quantumcumque nimirum penes hominem Deus volebat esse. Atque adeò per biennium saltem non obtinuerit Aristocratis. Quo modo septuaginta Aristocratiam constituere potuisse censem, codem modo per biennium fermè unus Moyses monarchiam constituere poterat.

XLIX. Quin etiam cum septuaginta jam alle eti essent à Moysi, hic tamen summam autoritatem retinebat, quod

suprà ostendimus. Post ipsum verò Iosua ac Iudices. Iosuæ sanè eodem modo parebant Hebræi, quo paruerant Moysi, ut videre est ex Iosuæ annalium capite primo & vigesimo tertio, quin etiam ex cæteris. Moyses quiq[ue]m in Israële tanquam Rex fuerat, uti in Deut. xxxiii, cap. legere est. Iosua igitur itidem. Rectius itaque dixeris monarchicum potius, quam aristocraticum statum plerunque obtinuisse usque ad propriè dictos Reges. Si nimirum ex summâ potestate, quantacunque in Hebræorum republ. penes homines fuit, illam ipsam rempublicam vel Monarchiam vel Aristocratiā dicere omnino voluerit.

L. Judicū quoque summā quadamtenus fuisse autoritatē belli pacisque temporibus, ex sacris literis itidem constat. Quod Josephus judices ἀξοντας & οὐράπχες: 1.1 de Rep. appellari, intelleximus ex ipsius verbis. Iosuam, inquit Cu- Febr. c. 12. næus, pari potestate secuti sunt, qui präeundo edicendoque prä- tores dici dictatoresque poterant. Quod tamen non omnino verum est: cum Dictatores Romani verè regia omnia ha- buerint, tantum quod potestas tempore fuerit circumscri- pta. Quomodo tamen Moyses alicubi Rex dictus est, ita Iudices itidem non semel Reges videntur dicti, cœu hanc ineptè collegoris ex Iud. cap. XVII. 6. cap. XXIX. 1. cap. XLIX. 1. ex quibus locis Josephus fortassis suos οὐράπχες exstruxit. Minùs propriè tamen ita sunt dicti, quemadmodum itidem Moyses. Fuére certè non nisi καὶ ρόμον reges quales Ari- stoteles nobis descripsit Polit. 1.1. c. 10. Et in illo statu se be- atos censem̄t esse. Non desiderabant καὶ τὴν αὐτῶν βελτί- onν πάντας, neque adeò reges esse, qui maximè proprie- ita dicerentur. Norant Jehovam servare summam pote- statem, cumque illo in societatem regni venire non cona- bantur. Gideonis inter alios hanc integratatem fuisse pro- ditum.

tum est, ut cum regnum propriè dictū ipsi posterisq; ipsius addicere quidā vellent, suscipere illud ipse non sustinuerit.

L. Sed pertæsum tandem fuit stolidam gentem hu- jus status, ita ut in servitutem se tradere mallet, sive quem- admodum Sulpitius Severus loquitur, <sup>1. i. Sac.</sup> ~~ut non sine exemplo~~ <sup>Hab.</sup> amētia p̄aop̄aret libertatem (talis nimirum est etiam in re- gno, si undique benè illud sese habeat) servitio Regio muta- re. Postularunt itaque, ut Rex sibi p̄äficeretur & quidem, qualem vicinæ circum circa gentes habebant. Indignum sanè id erat illâ gente, quæ p̄äfentissimum ipsius Dei auxi- lium haud consueto modo toties fuerat experta. Ægrè eti- am id tulisse divinum Samuelem, cum stultam gentis suæ postulationem cognovisset, atque è vestigio morem illi haud voluisse gerere appareat. Sicut tamen voluitque is, qui hactenus singulari modo se ipsum Hebrææ gentis constitu- erat Regem, gentem voto suo abundare. Mandavit ita- que Samueli, ut Regem suis p̄äficeret talēm, qualem obtabant, p̄äficeretque simul, fore, ut experientur tan- dem, quantum illa divini imperij detrectatio accessitura esset incommodum. Ita autem queritur de gente 1. Sam. cap. VIII: Non te abjecerunt sed me, ne regnem super eos. Iuxta omnia opera sua, quæ fecerunt à die, quā eduxi eos de Aegypto, usque ad diem hunc, sic deliquerunt me & servierunt Dysali- enis, sic faciunt etiam tibi.

LII. Quæ sanè verba, non apparent, quomodo oper- mittant, mandatum hic intelligi, quod Hebræi de Rege constituendo acceperint. Clarissimi viri Petrus Cunæus <sup>C. I. c. XII.</sup> & Wilhelmus Schickardus omnino existimant, manda- <sup>de Rep.</sup> tum esse Israélitis à Deo, ut Regem sibi eligerent, ubi in Ps. <sup>Hebr. 5. c. 1.</sup> læstinam penetrassent. Videntur autem in eo autoritatem <sup>theor. p. 6.</sup> defugere noluisse plerorumque Rabbinorum: qui id pe- <sup>de lute Re-</sup> ne unanimi consentu docent p̄äeunte Gemarā Sanhedrin <sup>gio.</sup>

præcipue vero Moysis Maimonide. Sed Moysis forte oppo-  
ni possunt ex sua gente nonnulli quorum verba itidem pro-  
ducit Cl. Schickardus. Accedit vero illis & Ishacu Abrava-  
nel inter recentiores Iudæorum magistros primæ dignita-  
tis: ceu ejus sententiam refert Menasseh ben Istrael. Rabbino-  
rum tamen autoritas neminem hic movere debet. Tantum  
verba Moysis, non Rabbini illius, quem ex suis plurimos  
post se relinquere facile credimus: sed vetustissimi sacerorum  
**Dicitur.** scriptorum expendamus. Ita autem illa se habent: Cum in-  
gressus fueris terram illam quam Dominus Deus tuus dabit tibi &  
possederis eam, habitaveris in illa & dixeris, constituam super  
me Regem, sicut habent omnes per circuitum nationes, constitues  
eum, quem Dominus Deus tuus elegerit de numero fratrum tuorum.  
Non poteris alterius gentis hominem Regem facere, qui non sis  
frater tuus. Mandatum in his agnoscit Cl. Schickardus, quod  
urig, non sit arbitrarium sed maximè serium, ideoq; verbi redu-  
plicatione inculcatum hoc modo: ponendo pones super te Re-  
gem. Cunæus etiam rationem gentis plausibilem esse ratus  
videtur, ipsique Deo non fuisse improbatam. Per multum mi-  
rari sunt, inquit, cur indignè ruleris Deus summam rei à Samu-  
ele ad Regem aliquem transferri, si quidem illud & probaverat  
antea & futurum pro indeole dixerat sacri populi.

**LIII.** Cæterum ut, quod res est, id dicamus, viden-  
tur fortassis clarissimi illi viri Rabbinorum, quorum in scri-  
ptis voluntati plurimum fuere, nimium tribuisse autoritati.  
Mandatum quidem & nos agnoscimus in verbis Moysis,  
sed alio quodam modo. Advertendum nimicum est, man-  
datum illud ex hypothesi esse editum. Non mandat per  
Moysen Deus absolutè, ut Regem sibi propriè dictum con-  
stituant Hebræi, sed potius jubet ipsos τὰ παρόντα σημεῖα  
quod in vulgaribus etiam politijs virtus maxima est. Divi-  
**L. Antiq.** num Moysen Josephus ita facit loquentem, Μή λάβοιπθος  
**cap. 8.** οὐκος

θμᾶς αὐλας πολιτείας, αλλα ταῦτα σέργοιτι τὸν νόμον εἰχοντες δε-  
σπότας, κατ' αὐτὸς ἔκαστα πατέσσοντες. Δέκετηδός ὁ θεὸς ηγεμὼν εἴναι.  
Hæc quidem optimè. Pergit autem βασιλεώς δὲ εἰ γένοιτο ἐρωτήσεως  
ὑπὲν, ἐστι μὲν γε τὸ ὄμόφυλον. Attamen si Reges vos cupido ce-  
perit, nemo sit, nisi vestri generis & sanguinis. Ita omnino  
est, quomodo Josephum videmus rem intellexisse. Debe-  
bant τεγχην presentem statum. Si tamen ipsos Reges, qua-  
lelm cæteræ habebant gentes, incesseret cupido, (quod fore  
aliquando utique prævidebat) autoritate Dei id quidem  
permittit Moyses, ut Regem constituant, sed edicit tamen  
insimil, ut ne Regem constituant, qui αὐλόφυλος sit & ut  
talem constituunt, qui ex eadem gente sit cum ipsis, quem  
que præterea Deus ipse commonstrarit. Expendenti di-  
vini scriptoris verba hæc sanè non possunt esse non mani-  
festa Mirum verò, si mandatum de constituendo Rege ab-  
solutum Hebræis fuisset datum, quod illud ex sequi ali-  
quot seculis neglexerunt, quodq; Gideon admirandæ vic  
innocentia ac integratatis, cum ipsi ex gente suâ Regnum  
propriè dictum addicere quidam vellent, conditionem il-  
lam accipere recusavit, suoisque, ut Iehovam amplius agno-  
scerent Regem, commonuit. Cæterum reduplicatio ver-  
bi, quam Schickardus urget vim suam minimè amittit, si  
ita, quomodo ipse, verba Moysis non intelligas. Illius  
nimirum genuina vis hæc est; ut ne αὐλόφυλος constituerent  
Regem, si Rem constituere vellent: non illa, quam Schick-  
ardus existimat verbis inesse, ut nimirum Regem omnino  
constituerent.

**LIV.** Cæterum cum Deus annueret, ut Hebræis  
ex hominibus Rex daretur, mandavit, ut mores, qui in Re-  
gnis, vicinarum nimirum gentium obtinerent, ipsis Sa-  
muel exponeret; quomodo nempe agere Reges cum po-  
pulo & quam duriter cum habere soleant. Innuiebat igit  
E 3

<sup>¶ Reg. c. Ix.</sup>  
<sup>¶ 10. II. 18.</sup>  
tur grave id ipsum, quod petiuntur ipsis futurum, specie modo falsos esse; revera longe durius illud imperium fore, quod optarent, quam credidissent. Adscribemus quædam verba sacri scriptoris, quibus id innuitur: Nunc ergo vocem eorum audi: veruntamen contestare eos & prædicere eis jus Regis, qui regnaturus est super eos. Dixit itaque Samuel omnia verba Domini ad populum, qui petierat a se Regem, & ait: Hoc eris jus Regis, qui imperaturus est vobis: Filios vestros tolleret, & pones in curribus suis, faciesque sibi equites & præcursorum quadrigarum suarum &c. Et clamabitis in die illa a facie regis vestris, quem elegistis vobis & non, exaudiens vos Dominus in die illa, quia peruersis vobis Regem. De jure Regis, cuius in his verbis fit mentio, varias observare est doctorum sententias. Cum iniqua hæc videantur esse, quæ ad jus Regis pertinere facit scriptor dicit, per vocem jus intelligunt quidam modum sive consuetudinem. Et sanè ipsa vocula Hebreæ non omnino recusat ita verti, cum & alibi eodem modo fiat. Necesse tamen non est, ut eò deveniamus. At nec de jure vero est intelligendum, hoc est, de facultate honeste & justè aliquid agendi. Longe enim alia vivendatio præscribitur Regi in eâ parte legis, quæ est de officio Regis. Intelligitur verò factum, quod effectum aliquem juris habeat, id est, non resistendi obligationem. Ideò additur, populum pressum istis injuriis Dei opem imploraturum, quia scilicet humana remedia nulla extarent. Sic ergo hoc jus vocatur, quomodo prætor jus reddere dicitur, etiam cum iniquè decernit. Hæc ita verbis Magni Grotij placuit exponere.

LV. Cum autem manifestum sit ex sacro codice Regem Hebreis à Samuele præfectum esse, Regnum verò variæ sint differentiæ, videndum erit quænam species

ries hic obtinuerit. Aristoteles l. iii. Polit. quinque regnum species observat & recenser. Primam Laconicam appellat, quæ nimirum belli potestas perpetua sit. Alterum genus vocat Barbaricum, eò quod apud Barbaros in usu fuerit, & differre dicit à Tyrannico, quod legitimum illud & hereditarium sit: tyrannicum autem nequam: alias etiam dominatus dici solet. Tertia Regni species Æsymnetia dicta est, ubi nimirum ad imperium suffragio perveniebat Rex, & ad certa negotia confienda gererat facultatem. Quartus Regni modus est Heroicus, ita dictus, quod Græcorum Heroum tempore, ut est in eorum fabulis, obtinuit idque in volentes, patrius & legitimus fuit & propter insigne collatum beneficium in meritos delatus. Ultimum genus quod Aristoteles recenset, est illud, quod propriè sic appellatur, quod interpres rerum publicarum simplices formas primam esse voluit. Porro verò sequente capite xv maximus Philosophus ita rationem facere expedit, una hæc de qua diximus proximè (τὸ τέταρτον κύριον εἰς ὡρα, quando unus omnium habet potestatem) altera Laconica. Nam aliarum pleraque inter has meæ sunt. ἐλαστόρων μὲν γὰρ κύριοι τῆς παμβασιλείας, πλειόνων δὲ τοῖς Λακωνικής. Pauciorum nimirum potestatem habent quam omnimoda potestas Regia, plurium vero quam Laconica. Adhuc sequente capite xvi. Regem, qui παμβασιλείαν obtinet, sive qui omnium habet potestatem, innuit illum esse, qui cuncta ex voluntate suâ agit. De Laconico autem Regno ita loquitur: Ille qui καὶ νέμου secundum legem dicitur Rex, non facit regia gubernationis speciem, quia in cunctis rebus publicis fieri potest, ut sit quidam ducendo exercitari cum civitas bellum gerit, perpetuò præfetus, pura in populari statu & optimatum gubernatione, pluresque autoritatem unius

ani committunt bellū gerendi. Liquer ex his, παμβασιλεῖαι & Regnum Laconicum esse quasi summum & infimum Re- gnorum gradum, inter quos sint quidam intermedij. τῶν γάρ αὐτῶν, inquit, οἱ μὲν μεταξὺ τέτονεις. Aliarum plerique inter has mediae sunt.

LVI. Ut nunc de Hebræo Regno dicere permisum est, παμβασιλεῖαι Regnum illud procul dubio non fuit, cum augustiora quædam in illo animadverteat queamus, quam in Laconum Regno, huicque similibus. Num verò inter παμβασιλεῖαι & Laconicum Regnum medium fuit? Ita censet Grotius. Et nos ipsi ad stipulari ferè non dubitamus. Id tamen ita in- telligendū est, quod Regnum Hebræum à Laconico longis- simè: à παμβασιλεῖαι prope & fermè nihil absuetit. Ubi no- tamū παμβασιλεῖαι propriè esse, quando unus qui totum populum universè sumptum virtute omni civili exsuperat, imperat ad communem utilitatem: esse verò quædam & herilia unius imperia, quæ cum παμβασιλεῖαι convenienter & quidem ē τῆ ἀυτοκρατορίᾳ, alijs autem multum differunt & Aristoteli tyrannides audiunt. Non itaque veram censemus παμβασιλεῖαι fuisse Hebræorum regnum, sed potius Re- gnum tyrannicum ex Aristotelis mente acceptā voce] quæ camen ad Regni propriè dicti modum quodammodo fue- rit administrata, laudato etiam Aristoteli more l. s. Polit. c. 10. Neque abnuit Grotius. Hi (Reges Hebræi) inquit, quin in rebus plerisque summo jure impetraverint, dubitari ne- fas arbitror. Rationem additurus pergit: Voluerat enim popu- lus Regem, quem habebant vicini. At Orienteis populi addicte regnabantur. Hoc porrò ostendere potuit plurimis veterum testimonijs, inter quæ sunt illa, & quidem Livij: Syri & Asi- atici genera hominum servitutis nata; Taciti: Servirent Syria & Asiaque & suos Regibus oriens; Aristotelis: οἱ τῶν Αἰαν-

τούποι τῶν δασοπολέων δέχεται σέδεν δυσχελεύοντες, Asiatici dominatum a quo animo ferunt.

L VII. Et hanc quidem sententiam suam de regnis Asiaticis Aristoteles ibi exposuit, ubi regnorum species enarrat, & quidem harum secundam, quam apud Barba- ros obtinere dicit, hisce verbis describit: Est & alia l. iii. Polit. cap. 14. Monarchiae species, qualia sunt apud quosdam Barbaros regna, vim habentia proximam Tyrannidi, licet sint legitima & secun- dum morem patria. Ob idenim quia magis aptæ sunt naturâ ad serviendum nationes Barbarorum, quam Græcorum & eorum qui in- colunt Asiam, quam eorum qui Europam, perferunt servile jugum a quo animo. Et ob hoc tyrannica sunt hujusmodi regna, sed ha- bent securitatem, quia more & legibus consistunt. De Hebræo- rum regno, quod in Asiâ itidem fuit, & quidem illorum qui Græcis fuere Barbari quid judicaturus fuisse Philosophus, si illud perspectum habuisset, conjecturam tum facere haud est difficile,

LIX. Cæterū Regnum Hebræorum fuisse verè παμβασιλεῖαι, confirmat etiam jus Regis, quod à Samuele proponitur, l. Reg. c. II X. Nimirum exinde apparet, nullam potestatem relictam populo fuisse adversus Regum inju- rias, sive populum obligatum fuisse ad non resistendum illis, ubi jugo regio se semel subdidisset. Et sanè ita er- iam evenisse populo Hebræo, quemadmodum prædictum fuerat, ex multis sacræ Scripturæ locis apparet. De Manas- se memoratur, multum sanguinis innocentium illum pro- fudiisse, IV. Reg. c. XXI. Tyrannica vox erat Jezabelis ad Achabum Regem: Grandis auctoritatis es & bene regis regnum Israël; ubi nimirum de vineâ Nabotho eripiendâ consilia capiebantur. Sed & Vrias illud jus regis expertus est, cum marita ipsi eriperetur, & de submovendo ipso con- sultaretur. Facti verò pœnitens Rex ita profitetur: Tibi

F.

soli

<sup>ii. Reg. c.</sup> soli (Deo) peccavi. Ad quæ verba notat S. Ambrosius: Rex erat, nullus ipse legibus tenebatur, quia liberi sunt Reges à vinculis delictorum: neg, enim ullis ad pœnam vocantur legibus, tuti imperii potestate. Homini ergo non peccavit, cui non tenebatur obnoxius. Et Hieronymus epistolâ ad Rusticam: Rex enim erat: alium non timebat: alium non habebat super se. Roboatum populus ita alloquitur: Pater tuus durissimum jugum imposuit nobis: Tu itaque nunc imminue. Ex verbis Psalmi XVII. 2. A facie tua judicium meum egrediatur, probavit Rambam, teste Schickardo: quod nulla creatura judicet regem nisi Deus opt. maximus. Eodem pertinet illud Eccles. IX. 4. Quis dicit Regi quid facis?

LIX. Cæterum jus Regis, quod populo exposuit Samuel <sup>i. Reg. LIX.</sup> est illud ipsum, quod in libro consignasse & coram Domino idem Samuel reposuisse memoratur <sup>i. Reg. X. 5;</sup> ut nimis testis aliquando esset illa ipsa scriptio, mala illa, ut cum Comico loquar, suo jumento sibi attraxisse gentem Hebræam. Nec enim persuaserit nobis Conœus in libro, qui ibi memoratur, consignata fuisse illa, quæ habentur Deut. XVII. 16. & seqq. Cumque fuerit constitutus, non multiplicabit sibi equos, nec reducet populum in Aegyptum, equitatus numero sublevatus, præsertim cum Dominus præceperit vobis, ut nequaquam amplius per eam viam revertarmini. Non habebit uxores plurimas, quæ allificant animam ejus, neg, argenti & auri immensa pondera &c. Certè hæc jam ante coram Domino deposita fuerant; tum nimis omnia, cum ipsum deutegrum, cuius illa particulam constituant, ad atcam scederis reponeretur. Tantum igitur inde deprendenda erant, quæ ad officium moresq; Regis pertinebant. Quid? quod neq; illa, quæ ad mores Regum formandos conscripta erant, jus Regis, cui ex adverso respondeat ci-vium obligatio, commodè dici poterant. Cæterum etiam

<sup>i. Reg.</sup>

x. Reg. & x. eadem juris regii est appellatio; ut cum pri-  
ore loco illud ipsum recenseatur, posteriore vero descri-  
ptum & coram Domino repositum memoretur, haud di-  
versum quid intelligi videatur. Sed & nihil omnino pro-  
hibet, quo minus ita statuamus. Neq; enim existimandum  
est, si jus illud coram Domino repositum memoretur, idem  
per omnia recte se habere & Deo probari. Legimus illud  
hodieque in sacris literis, neque tamen ita existimare ha-  
beamus necesse. Placent nobis illa Josephi: τὰ μέλλοντα συμ-  
βήσεσθαι καὶ ζεύς αὐτοῖς ὁ πατέρας, αἰνέγων ἐβασιλέως αἰνεցων. I. 5.  
μέντης καὶ τὸ βιβλίον τίθηνται τῇ Ἐρεψίᾳ ταῖς μετάπτετα γενεα-  
μαρτύρεσσον ἀντιτείχη.

LXX. Quod antea diximus de Regum Hebræo-  
rum potestate, id patebit etiam amplius, si jura Majesta-  
tis expenderimus, quomodo se illa Regum ævo habue-  
rint. Jura autem Majestatis nobis hodie sunt ipsum τὸ κύρον.  
Cujus quasi partes sunt potestas ferendarum & abrogan-  
darum legum, jus belli & pacis, potestas magistratum &  
judiciorum instituendorum, facultas judicandi tam in publi-  
cis quam privatis reipublicæ negotijs. Hæc nimis omnia  
penes Reges Hebræos fuerunt.

LXXI. Ut autem de potestate ferendarum & abro-  
gandarum legum primo dicamus, dubium (fateor)  
cui videri possit, an ea penes Reges Hebræorum fuerit.  
Ex quinto sanè Moysis C. XVII. intelligimus, qui He-  
bræorum Rex aliquando futurus esset, illum juberi di-  
vinas leges evolvere, & servare omnia, quæ ab ipso  
Deo sancta antea fuerant. Debuerunt igitur divina  
scita in Hebræorum Republicâ manere rata, etiam  
tum cum Reges imperarunt, neque regibus illa immuta-  
re aut abrogare fuit integrum. Scilicet omnia legis Mo-  
saicæ præcepta vim quadamtenus habuerunt juris natura-  
lis:

lis: itaque haec tenus sanè non fuit legislatoria potestas arbitrii regii. Cæterum multa non fuerunt liquidi juris, neque omnia legibus illis fuere definita: illa itaque constituere & abrogare in merâ videtur fuisse regi facultate, adeoque in his *nropojeclia* regi fuit integra. Hoc perspicere est ex multis institutionibus Davidis & Salomonis, aliorumq; etiam optimorum regum: ne quis causetur ab improbis regibus multa esse facta, secus quām licebat. Quod si porro & peccaret Rex adversus legem illam divinam, tamen iis qui ipsi parebant, facti sui rationem reddere non tenebatur, & si quando in justè jus diceret, ii qui parabant, sententiam latam justè detrectare non poterant: sed obligati erant; ut jam antè diximus, ad non resistendum.

LXXII. Porro quod ad belli gerendi potestatem attinet, penes reges Hebræorum utique etiam illa fuit. De Saulo 1. Reg. cap. xiv. memoratur: *Saul confirmatus regno pugnabat per circuitum adversum omnes inimicos ejus, contra Moab, & filios Ammon, & Edom & Reges Soba & Philisteos: & quocunque se verterat, superabat.* De Davide itidem memoratur, quod expeditionem suscepit cum armatâ manu, & prædas egerit de variis hostibus. Ita & de potestate deligendi conscribendique militem dubitari non potest, quin penes Reges ea fuerit. Saulus ubicunque fortem & robustum deprehendebat, eum suæ manu addicebat. Immò ubi adversus Ammonitas bellum gerendum erat, sub pœna occisionis & discriptionis jumentorum coëgit militem. Par ratio fuit reliquorum regum. Neque verò legas Reges in bellum profecturos semper antè Deum consuluisse, licet nec ne: nec quod id neglexerint, usquam à Prophetis reprehenduntur. Fieri autem alterutrum debuisset, si etiam tum ut antè, bellum indicere nisi usu divino fuisset nefas.

LXXIII.

LXXIII. Magistratus etiam & judicia pro arbitrio instituerunt reges Hebræorum. Sane magistratus singularium civitatum mansère etiam regum ævo. At quâ ratione & ex quibus institui deberent, penes reges arbitrium fuit. De Josaphato memoratur 11. Paralip. c. xix, constituisse ipsum judices terræ in cunctis civitatibus Iuda munitis per singula loca ibidem etiam memoratur eundem Regem Josaphatum instituisse illo singularum civitatum magistratu aliquem augustiorem ac superiorem. Is erat concilium judicum in sanctâ urbe, ad quod referri debebant illa, quæ liquidi juris non essent, adeoque in singulis civitatibus decidi nequirent. Verba sacri scriptoris, quibus isthuc membratur, jam supra produximus, ubi de collegio LXX virorum agebamus. De Davide quoque, qui integrō seculo ante Josaphatum vixit, memorat primus Paralipomenon, ipsum cum ex Levitis plurimos sacro muneri addixisset, ex iisdem etiam non paucos civilibus negotiis expediendis praefecisse, & judices constituisse. Ex verbis sacri libri pauca sunt illa: *Isaeritis præerat Chonenias & filius (filii) ejus ad opera forinsecus (externum) super Israël ad docendum & judicandum eos.* Opera externa benè notat Bertramus esse illa, quæ sunt extra sacra illa munera, quæ in æde Domini seu Tabernaculo sacrificiis faciendis erant necessaria. Cæterum latina verborum versio fortassis per omnia non satis rectè habet, & eâ melior est versionostri interpretis. Sed neque de illâ, neque de multis aliis quæ huc omnino pertinent, disquirere est animus. Tantùm de eo brevi est dicendum, quâ ratione regnum Hebræorum acquisiverint, qui illud obtinuerunt.

De Rept.  
Iudaica:  
p. 12.

LXXIV. Quamvis verò vulgo existinetur totum illud in hac gente habuisse sese ad eum modum qui in aliis populis obtinuit, nempe ut Rex fucrit vel electione:

E 3

popu-

populari constitutus vel ad eam dignitatem hereditatio  
jure pervenerit: non videtur tamen id vero esse consenta-  
neum, sed semper & Regum constitutionem fuisse neces-  
sarium consensum ipsiusmet Dei apertum. Enim vero  
primum sanè regem non licuisse populo sibi pro arbitrio  
lumere, manifestum est ex ipsa lege divina Deuteromii  
XVII. 15: *Eum constituies quem Dominus Deus tuus elegerit de nu-  
mero fratrum tuorum.* Hinc etiam populus regem sibi à Sa-  
muele, Prophetā nimirum & Legato Dei, constitui petuit  
2. Reg. VIII. 5. non autem suo aliquem arbitrio constituit. Sa-  
muelis Saulem in Regem inungentis verba fuerunt: *Ecce  
Reg. x. 1. unxit te Dominus super hereditatem suam in principem.* Sors  
quoque quā Saul electus fuit Rex, coram Domino scribitur  
missa: & Samuel deinde ita allocutus est populum: *Videtis  
quem elegit Dominus.* Similiter sigillatim Davidem Deus  
jussit in regem ungi, projecto Saulo ejusque familiā: sed  
& ejus posteritati regiam dignitatem promisit. Salo-  
mon quoque ex omni fratum numero non tam Davidis  
quam Dei singulati nutu ad regnum videtur pervenisse.  
Huc enim videntur spectare illa Davidis ad populum ver-  
ba: *De filiis meis (filios enim mihi multos dedit Dominus) elegit  
Salomonem filium meum, ut sederet in throno regni Domini super  
Israël.* Item: *Salomonem filium meum unum elegit Dominus,  
adhuc puerum & tenellum.* Quemadmodum regnum Deo  
volente fuerit divisum & decem tribus Jeroboamo dat  
liquet ex III. Reg. c. XI. Alias idem observatum vel certe  
debuisse observari, non est quod dubitemus. Nec vero  
alia videtur esse causa, quur Reges passim audiant Christi  
vel uncti Domini.

LXXV. Non negamus populum interdum, Deo  
inconsulto, imò contra Dei institutum nonnullis regiam  
dignitatem contulisse: verum ex eo non efficitur idem  
fuisse popularis juris. Ita Abner Saulo defuncto filium  
ejus Isboseth constituit regem, & tamen eum non ignoras-  
se aliud placuisse Deo manifestum est ex ejus verbis: 2. Reg.  
III. 9: *Hac faciat Deus Abner & hac addat ei, nisi quomodo jura-  
vit Dominus David, sic faciam cum eo, ut transferatur regnum de  
domo Saul:* & elevetur thronus David super Israël & super Iu-  
dam, usq; Bersabet. Similiter seniores tribuum decem Israëlis  
defuncto Isbosetho demum dixerunt Davidi: *Ecce nos os  
tuum & caro tua sumus: sed & heri & nudius tertius, cum esset  
Saul rex super nos, tu eras educens & reducens Israël: dixit au-  
tem Dominus ad te: Tu paces populum meum Israël, & tu eris  
dux super Israël.* Hisce autem verbis reverā semetipso ac-  
cusant. Nec vero penes populum jus fuit constituendi  
quem vellent, et si nonnunquam sibi hoc sumpserit. Sed &  
regum constitutio illa quæ populo in sacrâ historiâ adscri-  
bitur, plerumque non tam fuit electio, quam præstatio  
homagii, ut verbis nostri xvi utamur.

LXXVI. Quæcunque vero de Regum Hebræorum  
potestate dicta nobis sunt, ea valde elevabuntur, si vera-  
sunt, quæ de regibus illis prodiderunt sequioris xvi He-  
bræi, illos cum ipsi judicarint, judicari etiam solitos fuis-  
se; imò vapulationi fuisse obnoxios. Afferuerat hoc ex  
Rabbinorum fide Cæsar Baronius in Annalibus Ecclesi-  
sticis. Contra ipsum autem Casaubonus negavit Rabbi-  
nos id prodidisse. Potro Wilhelmus Schickardus Ca-  
saubonum ~~negat~~ in eo convictus & Rabbinorum te-  
stimoniis probavit fuisse reges Hebræorum vapulationi  
obnoxios. Neque dissentit Grotius. Video, inquit, con-  
sentire Hebræos, Regi in eas leges quæ de officio regis scriptæ ex-  
stabant, inficta verbera; Stet ea apud illos infamia carebant &  
à rege: De jure p. & b. l. i. c. 35. n. 208.

rege in signum pænitentia sponte suscipiebantur, ideoque non à dictore, sed ab eo quem legiſet ipſe, cædebantur & suo arbitrio verberibus statuebat modum.

LXXVII. Nos facilè credimus Schikardis, Grotiis, tradi à Rabbinis regem Hebræorum plagis fuisse obnoxium. An autem res ita omnino se habuerit, quomodo Rabbini prodiderunt, id non æquè est certum. Verosimile est opinionem hanc natam fuisse ex illâ de amplissimâ potestate Synedrii persuasione, atque potestatem illam extollendi studio. Ut enim Synedrii potestatem & jurisdictionem extollant, quædam cognitionum genera Synedrii sibi servasse volunt; ut de tribu, de pontifice, de propheta: imò qui aliâ quavis de causâ apud synedrium reus fuisset factus, eum à rege judicio non potuisse eximi. Ut autem quod res est, dicamus iterum, Rabbinis haud temerè credendum in illis est, quæ ipsorum ævo non fuere proxima. Fingunt ipſi & conjecturâ assequi conantur talia, quæ multis ante ipsos seculis obtinuerint, figuraque suaventilare ipsis volupe est. Cum verò erroribus & falsis commemorationibus in ipsorum scriptis nihil sit frequentius, in iis etiam, quæ de Regum vapulatione prodiderunt, fidem ipsis derogare non dubitamus. Præverunt verò hîc exemplo suo ipſi Rabbinorum laudatores. Casaubonus exercit. I. ad Apparat: Rabbinis in historiâ etiam sacrâ (nam in omni aliâ talpis ut plurimum cacciores sunt) quam parum fidei sit tribuendum, ignorat eruditiorum nemo. Idem Exerc. 16. n. 15. Rabbinis ubi de lingua Hebraicâ agitur & vocis alicuius proprietate vel aliquo Thalmudis instituto, à Christianis tribuatur non parum: ubi verò à verbis venitur ad res, aut ad historiam, vel rerum antiquarum veteris populi explicationem, nisi falli & decipi volumus, nihil admodum est illi si-

lli fidei habendum. Ios. Scaliger l. 7. emendat. remp. de computo Iudaico agens scribit: eos consulto videri ignorantem bonarum rerum profici. Cunæus l. 1. c. 14. narrato Rabbinorum commento de oleo quo inuncti sint reges Israëlis, subjungit: Sed ipſi addens id modo sic traditum à sapientibus esse: ut jam non magnopere laboremus quam hoc verum sit. Alibi scribit: unum in suâ gente Maimoniden recte intellexisse quid hoc sit non inepire: & tamen etiam ille Moyses omnia penè sua videtur ex Thalmude transcripsisse. Verum hæc obiter.

LXXIX. Illud tamen videri possit aliquibus ut pñnam fuisse irrogatum, quod extra Regum sepulchra ipsorum cadavera sepulta fuisse legimus. Secundo nimis Paralip. c. XXIV. & XXVIII. narratur, Joasi atque Achazi defunctorum cadavera non fuisse illata Regum sepulcris. At necesse non est in pñnam id fuisse factum, sed quod divinitus impedimentum aliquod intervenerit, quod minus fieri id potuerit. Non semel in sacris literis legere est, quibusdam ut pñnam denunciari, fore, ut ipsorum corpora in sepulchra majorum non inferantur. Inter alios prophetæ, quam ad Ieroboamum Regem Deus misericordia, id denunciatur III. Reg. c. XIII. Secundum fatum igitur evenire omnia necessum fuit, quod divinæ prædictioni sua constaret fides. Veruntamen Reges quorum cadavera in regum sepulcranon fûere illata, in loco regibus non indigno fuisse sepultos, haud negaverit quispiam. Et vero simile id fit ex eo, quod licet Iezabelis cadaver secundum vaticinium Prophetæ à canibus discriptum esset, ut tamen reliquiæ ejus sepelirentur, quod regio sanguinata ipsa esset, Iehu Regem jussisse legimus. Quod igitur regū quorundam cadavera in sepulchra regum non fuet.

rit illata, id ipsi ut pœnam ab ipso Deo potius, quam ab hominibus irrogatum fuisse credendum est.

LXXIX. Ceterum eorum quæ ad argumentum, quod hactenus tractavimus, pertinent, superare scimus non pauca. Et si singula per se qui decretum nunc esset, fors prævidemus, ut ea nequaquam capiat harum pagellarum modus. De toto autem argomento, (quod sanè luculentum est) pleniùs, pressiùs ac elegantiùs ager Vir Excellētissimus, quilevidens ista patrocinio suo haud est deditus. Quod cum sciremus nos, etiam illo nomine multa prætermisimus consultò, quæ dici poterant prolixius. Quod igitur superest, petimus nūc ὁρ-

λειτημένος συγγράμνω

## DOCTISSIMO JUVENI MARTINO MULLERO

Hamburgensi,

De Republicā Hebræorum  
differenti.

**H**ebrei Leges populi, MULLERE; quis olim  
Tam sanctis fuerit cibibus ordo, refers.  
Cernite mortales. Non scripsit talia Minos,  
Non fallax nobis Iuppiter ista tulit.  
Non hic Spartānis sancit decreta Lycurgus,  
Non hic legiferi iussa Solonis habes.  
Quid? nec Aristocles felicem somniat Urbem?  
Aut alius Lucumo plurima ficta canit.

Majus

Major adest author. Regnum Deus ipse gubernat

Ipse sacras Leges, & pia jura docet.

Ipse suos cives defendit, & omnia curat;

Omnia, queis fieri vita beata potest.

Felicem populum, qui non scelerata Tyranni

Imperia, aut stulti Principis arma timet!

Felicem populum! Sub sicu quisque virente,

Et sub vite suâ gaudia tutus agit.

At tibi non vanâ de vincitus compede Pontus,

Non hic perdomitus Ganges, non mæret Araxes,

Et quicquid rediens Cynthia assflat equis.

Non actos toto videas ex Orbe triumphos.

Non tot crudeli rapta tropæa manu.

Non hic navali surgunt ex ære columnæ:

Non hic terrarum præda reposta jacet.

Non tecta æthereis radiant minitantia templis:

Non semper strepitu plena Theatra sonant.

Non vecors dormit Sarrano civis in ostro,

Aut hominum post se millia multatrabit.

Non hic ex omni contendunt carbasa portus.

Non auri montes possidet unus homo.

Quid verò non hæc luxus documenta superbii?

Non sanctos cives hæc, o amice, decent.

Materiem scelerum tantorum, & sæva nocendæ

Instrumenta suis noluit esse D E V S,

O lacie,

*O lacde, & mellis succo manantia rura!  
O pecora, o castas & sine lite domus!  
O nemora, o vites! quid verò cætera dicam?  
Exhibet innocuas angulus omnis opes.  
Overè sacras Leges! o Numinis aras!  
O salve nimium gens adamata DEO!  
Regna alia, & Reges valeant, MULLERE; loquamur  
Quænam Res fuerit publica Rege DEO.  
Humanis quantum præstant divina repertis,  
Tantum præ reliquis eminet iste labor.*

Amico suavissimo

L. M. Q.

*Mich. Kirstenius.*

F I N I S.

